

史記  
彙評  
輯注一之六十一

漢書門類			
二	二	三	三
一	一	八	三
一	三	八	三
六	三	八	三
冊	架	函	號

內閣文庫			
三	二	三	漢
函	一	三	書
一	六	三	
二	六	三	
架	冊	號	類

內閣文庫			
番號	漢	2133	
冊數	16 ( 15 )		
函號	279	43	





五帝本紀註

鄭玄曰德合五帝坐星者稱帝○索隱曰少典諸侯國號○子

未七旬曰弱○裴駰曰狗疾齊速也○正義曰成謂年二十冠

成人也○索隱曰神農世衰謂神農氏後代子孫也○孔安國

曰九黎君號蚩尤管子曰蚩尤受虛山之金作五兵龍魚河圖


云蚩尤兄弟八十一人並獸身人語銅鐵額食沙威振天下黃

帝以仁義不能禁止乃仰天而歎天遣玄女下授黃帝兵符伏

蚩尤○爾雅云貌白狐豕獾似狸周禮有服不氏掌教擾猛獸

○索隱曰葷粥匈奴別名○合符釜山合諸侯符契圭瑞而朝

藏草文庫





帝顓頊

之於釜山○應劭曰黃帝受命有雲瑞故以雲紀事春官為青  
雲夏官為緡雲秋為白冬為黑中為黃○晉灼曰策數也迎推  
之也瓚曰日月朔望未來而推之故曰迎日○帝王世紀云黃  
帝夢大風吹天下之塵垢皆去又夢人執千鈞之弩驅羊萬群  
帝寤而嘆曰風為號令執政者也垢去土后在也天下豈有姓  
風名后者哉夫千鈞之弩異力者也驅羊數萬群能牧民為善  
者也天下豈有姓牧名力者哉於是依占求之得風后力牧封  
禪書云鬼史區號大鴻黃帝大臣  
索隱曰顓頊名高陽有天下號也○王肅曰砥平也四遠皆平

而來屬服故曰砥屬

帝學

張晏曰學帝名高辛如高陽皆所興之地而因以為號也

帝堯

謚法翼善傳聖曰堯索隱曰姓伊祁氏放勳名○冠冕圖云夏  
名冕曰牧○鄭玄曰純衣士之祭服○索隱曰馴順也尚書作  
俊德○便章尚書作平章○孔安國曰重黎之後義氏和氏世  
掌天地之官○郁夷尚書作嵎夷東表之地○便程尚書作平  
秩○日中謂春分之日鳥南方朱鳥七宿也殷正也春分之昏  
鳥星畢見以正仲春之氣○書傳曰析分散也○孔安國曰乳  
化曰字微尚書作尾○索隱曰南交南方交趾地○孔安國曰



論化也尚書作訛敬致敬其事而致其功也○永長也謂夏至之日火蒼龍之中星舉中星則七星見可知○書傳曰因析而又析氣愈熱而民愈散處也○孔安國曰希革夏時鳥獸毛羽希少改易也○虛玄武之中星亦言七星皆以秋分日見以正三秋○書傳曰夷平也暑退而人氣平也○孔安國曰稊理也毛更生曰稊理○索隱曰在察也物至冬而藏伏故曰伏物○孔安國曰日短冬至之日昴白虎之中星亦以七星並見以正冬節○書傳曰煥民入室處也○孔安國曰鼯毛鳥獸皆生鼯毛以自溫○放齊臣名○鄭玄曰開解而達也○孔安國曰據

包也襄上也○正義曰飭下以義理下其心○皇甫謐云媯水在河東虞縣歷山西汭水涯也○馬融曰上日朔日也○書傳曰文祖堯始祖之廟○鄭玄曰璿璣玉衡渾天儀也○正義曰以事類告曰類精意以享曰禋六宗星辰司中司命風師雨師遙望而祭曰望祭群神曰辯○馬融曰揖歛也五瑞公侯伯子男所執桓信躬之圭穀蒲之鉞也○班固曰辨也○鄭玄曰蕭燎柴祭天○正義曰望而言秩者五嶽視三公四瀆視諸侯也○五禮周禮以吉禮事邦國之鬼神祇以凶禮哀邦國之憂以賓禮親邦國以軍禮同邦國以嘉禮親萬民○鄭玄曰五玉即五



瑞執之曰瑞陳列曰玉○帛所以薦玉必三者高陽氏後用赤  
繒高辛氏後用黑繒其餘諸侯皆用白繒○正義曰二生羔雁  
也一死雉也○書傳曰如同也五器五禮之器○何休曰生曰  
父死曰考廟曰禰○鄭玄曰扑檟楚也○書傳曰肯謂過悞哉  
謂不幸○靜哉書作恤哉

謚法仁聖盛明曰舜○索隱曰什器常用之器其數不一故云  
什○就時猶逐時○周禮郊野法云四井為邑四縣為都○賈  
逵曰帝鴻黃帝也○孔安國曰五刑墨刑鑿額而涅以墨也劓  
刑截鼻也剕刑削足也宮刑男子割勢婦人幽閉也死刑大辟

帝舜

夏本紀註

謚法受禪成功曰禹○索隱曰稱以出權衡亦出於其身也○  
傳土尚書作敷土○表木謂刊木立為表記尚書作刊木○孟  
康曰橈形如箕擗行泥上○如淳曰橈車謂以鐵如錐頭長半  
寸施之履下上山不蹉跌也○按書疏冀州帝都於九州近  
北故首從冀起而東南次兗而東南次青而南次徐而南次揚  
從揚而西次荆從荆而北次豫從豫而西次梁從梁而北次雍  
雍地最高故在後也鄭玄曰兩河間曰冀州○孔安國曰錯雜  
也雜出第二之賦○索隱曰改恒山恒水皆作常避漢文帝諱



也○鄭玄曰鳥夷東北之民賦食鳥獸者衣服服其皮也○孔安國曰黑墳黑色而墳起○繇茂條長也○鄭玄曰貞正也治此州正作不休十三年乃有賦與八州同○孔安國曰漆絲地漆林又宜蠶○織文錦綺之屬盛之筐篚而貢焉○鄭玄曰東自海西至岱為青州○說文云東方謂之斥西方謂之鹵○孔安國曰岱吹岱山之谷○萊夷地名可以牧放○會桑蠶絲中為琴瑟絃爾雅云縻山桑是蠶食縻之絲也○東至海北至岱南及淮為徐州○蒙羽二山○水所停曰都○徐廣曰埴黏土也○孔安國曰漸長進包叢生也○翟雉名也羽中旌旄羽山

之谷有之○孤桐嶧山之陽特生桐中琴瑟○浮磬水中見石可以為磬○正義曰淮夷蠙珠泉魚言夷人所居淮水之處出蠙珠及魚也○玄黑織細縞白繒以細繒染為黑也○孔安國曰北據淮南距海為揚州○隨陽之鳥鴻雁之屬冬月居此澤○正義曰三江謂松江東江婁江○孔安國曰震澤吳南太湖也○竹箭既布水去布生○孔安國曰三品金銀銅○鳥夷卉服南海島夷草服葛越也○鄭玄曰貝錦名書傳曰織為貝文○孔安國曰錫貢錫命乃貢言不常也○鄭玄曰均讀曰沿○孔安國曰北據荆山南及衡山之陽為荊州○正義曰九江甚



中言江於此州界分為九道其得地勢之中○孔安國曰雲夢  
 之澤在江南其中有平土丘水去可為耕作畝之治○榦柘  
 也柏葉松身曰栝○砥細於礪皆磨石也砮石中矢鏃丹朱類  
 也○書傳曰筍簠竹名楷木名皆可以為矢馬融曰筍簠楷三  
 國所致貢其名善也○鄭玄曰匭纏結也菁茅茅有毛刺者給  
 宗廟縮酒重之故包裹又纏結○孔安國曰玄纁之色此州為  
 善故貢之○西南至荆山北距河水為豫州○播水播溢之義  
 ○墟疏也○織絮細綿也○磬錯治玉石曰錯治磬錯也○東  
 據華山之陽西距黑水為梁州○祭山曰旅平言治功畢也○

青驪色青黑○璆玉名○鄭玄曰鏤剛鐵可以刻鏤○孔安國  
 曰織皮今罽也○馬融曰治西傾山因桓水是來言無餘道也  
 ○孔安國曰正絕流曰亂○西據黑水東據河為雍州龍門之  
 河在冀州西○終南款物鳥鼠三山名○璆琳皆玉名琅玕石  
 名似珠者○織皮毛布氈等四國皆貢此布而就次序○匪  
 回也○九山梁旅九州名山已榘木通道而旅祭也○六府金  
 木水火土穀也○甸內近王城者禾藁曰總供食國之馬也銍  
 所銍刈禾穗說文云銍穫禾短鎌也書傳曰禾木全曰總刈禾  
 曰銍半藁去皮曰秸服服輸將之事也○孔安國曰侯候也斥



候而服事也○馬融曰采事也書傳作采地○孔安國曰任國任王事者○綏安也○揆文教度王者文教而行之○要束以文教也○馬融曰蠻慢也禮簡怠慢來不拒去不禁也○流者流行無城郭常居也○鄭玄曰北方曰朔○孔安國曰擾順也○亮采信事也○索隱曰來始滑尚書作在治忽今文作采治忽蓋音文相似誤耳○孔安國曰帝即不時謂帝用臣不是則賢愚並位也○書傳曰蕞勝細碎無大略也○孔安國曰六卿各有軍事故曰六事○孔安國曰天子親征必載遷廟之祖主行有功即賞祖主前示不專也又載社主奔北則修之社主前

也○馬融曰三統謂大罪陳諸原野次罪陳于市朝同族適甸○馬融曰有度者各有所居度其遠近為三等居大罪投四裔次九州之外次中國之外○皇覽曰其山九谿皆相似故曰九疑



社主陰陰主殺也。紂、修、汝、非、但、身、又、及、子、也。○ 胤、臣、名。○ 賈、逵、  
曰、豕、韋、視、融、之、後、封、於、豕、韋、殷、武、丁、滅、之、以、劉、累、之、後、代、之。○  
索隱曰：夏臺獄名。  
鄭玄曰：夏小正夏四時之書，其存者有小正。



殷本紀註

索隱曰契始封商其後裔盤庚遷殷遂為有天下號○微字上  
 甲其母以甲日生也商家生子以日為名自微始○謚法除虐  
 去殘曰湯○孔安國曰作帝誥告先王言已來居亳也○索隱  
 曰伊尹名摯阿衡官名阿倚也衡平也○列女傳曰湯妃有莘  
 氏之女爾雅云媵將送也○索隱曰太素上皇其道質素故稱  
 素王九主者三皇五帝及夏禹○孔安國曰鳩房二人湯之賢  
 臣作二篇者所以醜夏而還之意○孔安國曰嗇事謂農功割  
 政割剝之政○左傳曰食言多矣能無肥乎是謂妄言為食言



○孔安國曰三爰國名桀走保之故伐○作典寶言國之常寶也○作夏社言夏社不可遷之義○徐廣曰報言伊尹報政○揚慎曰泰卷陶山海經作五行之山○孔安國曰中囂即仲虺○索隱曰有狀言其罪大而有形狀○馬融曰咎單湯司空明居明居民之法○鄭玄曰肆命者陳政教所當為祖后者言湯之法度也○世表云帝小甲太康弟○孔安國曰伊陟伊尹之子祥故怪也桑穀共生二木合生不恭之罰○馬融曰艾治也○原命原臣名命原以禹湯之道我所修也○正義曰五遷謂湯自南亳遷西亳仲丁遷款河夏甲居相祖乙居耿盤庚渡河南居亳○揚慎曰傅險即傅巖孔安國曰傅氏之巖在虞號之界通道所經有澗水壞道常使胥靡刑人築護此道說賢而隱代胥靡築之以供食○正義曰响雉鳴也○孔安國曰祭之明日又祭殷曰彤周曰繹○武乙之子又為太丁疑誤○索隱曰微國號魯為子啟名也○謚法殘義損善曰紂○徐廣曰飢國尚書作黎國○孔安國曰祖伊祖已後也假人至人也



周本紀註

正義曰因太王所居周原因號曰周后稷○韋昭曰去稷不務  
 廢稷之官不復務農也○禮記曰天子之五官曰司徒司馬司  
 空司士司寇典司五衆鄭玄曰此殷時制也○山海經曰有人  
 面獸身者名曰大戎○謚法經緯天地曰文克定禍亂曰武○  
 馬融曰畢文王墓地名○殷尚白魚兵象入舟則殷與周之象  
 也○烏孝鳥武王能卒父業故烏瑞臻赤周正色魄魄然安定  
 意○孔安國曰左手杖鉞示無事於誅右手把旄示有事於教  
 令○亞次旅衆大夫也其位次卿師氏大夫官以兵守門千夫



長百夫長師率卒率也○鄭玄曰肆祭名荅問也○不禦克犇  
不得暴殺紂師之克犇者○正義曰周書云甲子夕紂取天智  
王琰五環身以自焚注天智王之善者庶王則銷天智玉不銷  
紂身不盡也○輕劍周書作輕呂劍名○蔡邕獨斷曰前驅有  
九旒雲罕是名罕旗○周禮司烜氏以鑑取明水於月注曰欲  
得陰陽之潔氣陳明水以為玄酒也○徐廣曰茲籍席之名○  
鄭玄曰宗彝宗廟樽也○正義曰麋鹿在牧喻小人在朝蜚鴻  
滿野喻君子見棄○索隱曰登名民言天初建殷國亦登進名  
賢之人三百六十未能興化致理故殷家不大光昭亦不即攢

滅○正義曰定天保定知天之保我依天室得依天之宮室也  
悉求其惡求取惡人也貶從殷王受與紂同罪也○索隱曰居  
易毋固言其地平易毋險固是有夏之舊居○鄭玄曰二苗同  
為一穗為嘉穀○梓材告康叔以為政之道亦如梓人之治材  
○括地志云泗水徐城縣北古徐國即淮夷也兗州曲阜縣奄  
至即奄國之地○薄姑齊地○馬融曰榮伯周同姓畿內諸侯  
為卿大夫○孔安國曰賄賜也○正義曰昭王南征濟漢舟人  
以膠舟進王至中流膠液舟解王及祭公俱沒於水中○孔安  
國曰伯冏臣名○應邵曰太僕周穆王所置蓋太御衆僕之長



○韋昭曰文公周公旦謚○祭供日祭也祀供月祀也享供時  
 享也貢供歲貢也王王事天子也終世終朝嗣王及即位而來  
 見也○言者號令文者典法名者尊卑職貢之號○徐廣曰大  
 畢伯士大戎之君○韋昭曰樹敦言大戎立性敦篤○孔安國  
 曰兩謂囚證造至也兩至具備則衆獄官聽其入五刑辭漢書  
 刑法志云五聽一曰辭聽二曰色聽三曰氣聽四曰耳聽五曰  
 目聽周禮云辭不直則言繁目不直則視眇耳不直則對荅惑  
 色不直則貌赧氣不直則數喘也○簡核也信有罪驗也○五  
 罰出金贖罪也○五過從赦免也○疵小過也官威勢內女謁

○馬融曰惟鈞其過言以此五過出入人罪與犯法者等○孔  
 安國曰簡信有衆惟訊有稽言簡核誠信有合衆心惟察其貌  
 有所考合重之至也○不疑不足疑也○徐廣曰率即緩也孔  
 安國曰六兩曰緩緩黃鐵也○灑五倍也○書傳曰倍差倍而  
 又差謂五百緩也○正義曰田不取羣獵得三獸不盡收以其  
 害深也公諸侯也行不下衆所行與衆共議也韋昭曰御妻官  
 也參三也一族父子也故取姪娣以備三不參一族之女○唐  
 固曰陳錫載周言文王布錫施利以載陳周道○韋昭曰召公  
 召康公之後穆公虎為王御士○無眸子曰眇有眸子而無見



曰矇○彘晉地彘之亂公卿相與和而修政事故號曰共和○  
 應劭曰修籍千畝古者天子耕籍田千畝為天下先瓚曰籍田  
 籍也○徐廣曰三川涇渭洛也韋昭曰西周鎬京地震動故三  
 川亦動○唐固曰伯陽甫周柱下史老子也○韋昭曰祭龍所  
 吐沫○女子七歲而毀齒曰齒許嫁而笄○山桑曰檠弧弓也  
 箕木名服矢房也○正義曰晝日燃烽以望火烟夜燃燧以望  
 火光烽土魯也燧炬火也○國語云繒如姓夏禹後○賈逵  
 王子克莊王弟○左傳曰五人者為國邊伯詹父子禽祝詭也  
 ○賈逵曰編舞皆舞六代之樂○杜預曰國子高子天子所命

為齊守臣皆上卿○賈逵曰滑姬姓之國○正義曰惠王不與  
 厲公爵事在莊公二十一年○服虔曰滑小國近鄭世世服從  
 而更違叛鄭師伐之聽命後自愬於王王以與衛○賈逵曰河  
 陽晉地踐上鄭地○地理志陸渾縣屬弘農○賈逵曰子朝景  
 王長庶子敬王孫母弟澤周地○索隱曰按西周桓公名揭居  
 河南東周惠公名班居洛陽○老子列傳云儋即老子耳又曰  
 非也驗其年代當是別人正義曰幽王時有伯陽甫唐固曰伯  
 陽甫老子也按幽王元年至孔子卒三百餘年孔子卒後一百  
 二十九年儋見秦獻公然老子當孔子時唐固說非也○正義



曰周始與秦合謂周秦皆黃帝後也而別者謂非子末年周封為附庸邑秦至孝公二年五百載周顯王致文武胙是復合也合十七歲而霸王者出謂從孝公三年至十九年顯王致胙孝公是霸也孝公子惠王稱王是王者出也○司馬翦左成皆楚臣○索隱曰宜陽韓地秦攻而楚救之周為讎出兵而楚疑周為秦故將伐周○史厭謂周君西周武公也時王赧微弱不主盟會寄居西周耳○韓相國公仲侈也○地理志曰西河有趙蘭離石二縣○索隱曰支左誦右射之道也○破華陽約秦背魏約也○正義曰馬犯周臣也周王病言秦破魏華陽之軍去

周甚近若身之重病也○索隱曰後可而復之言王病愈所圖不遂請得後有可之時以鼎入梁也○匿事端者隱匿疑伐周之事端○周最周之公子即周聚○應地名○正義曰還其行者以秦輕易周故相國於是反歸周也○正義曰周聚事齊而和於齊周故得齊重今相國又得秦重故曰常不失重國交○徐廣曰陽城有負黍聚○正義曰西周君蒞秦謂武公也○索隱曰既盡也



秦本紀注  
按秦封域近禹貢雍州西垂鳥鼠之山兼得西周畿內八百里  
地在荆岐終南敦物之野後稱王并東周正義曰列女傳云  
陶子生五歲而佐禹曹大家注云陶子者臯陶之子伯益也按  
此則大業即臯陶○大費者秦趙之祖一名伯翳尚書謂之伯  
益○索隱曰臯游臯色旌旆之旒與玄至色副○仲衍鳥身人  
言故為鳥俗氏○孟戲仲衍二人名○徐廣曰石北方者為紂  
作石槨於北方○正義曰紂既以前無所歸報故為壇就霍太  
山祭紂而報云○索隱曰處父蜚廉別號○華氏者言天賜石

秦本紀注

按秦封域近禹貢雍州西垂鳥鼠之山兼得西周畿內八百里  
地在荆岐終南敦物之野後稱王并東周正義曰列女傳云  
陶子生五歲而佐禹曹大家注云陶子者臯陶之子伯益也按  
此則大業即臯陶○大費者秦趙之祖一名伯翳尚書謂之伯  
益○索隱曰臯游臯色旌旆之旒與玄至色副○仲衍鳥身人  
言故為鳥俗氏○孟戲仲衍二人名○徐廣曰石北方者為紂  
作石槨於北方○正義曰紂既以前無所歸報故為壇就霍太  
山祭紂而報云○索隱曰處父蜚廉別號○華氏者言天賜石



棺以光華其族○徐偃王地理志云臨淮有徐縣云故徐國尸  
子曰徐偃王有筋而無骨號偃繇此○正義曰晉軒仲衍魯孫  
○索隱曰作西時祠白帝時止也言神靈之所依止○郟縣名  
郟時於郟地作時也○索隱曰按漢書郊祀志云文公獲若石  
云於陳倉北坂城祠之其神來若雉其聲殷殷云野鷄夜鳴  
以一宰祠之號曰陳寶又晉太康地志云秦文公時陳倉人獵  
得獸若鼠不知名牽以獻之逢二童子童子曰此名為媯常在  
地中食死人腦即欲殺之拍撫其首媯亦語曰二童子名陳寶  
得雄者王得雌者霸陳倉人乃逐二童子化為雉雌上陳倉北

坂為石秦祠之搜神記云其雄者飛至南陽其後光武起於南  
陽皆如其言也○正義曰伐大梓豐大特錄異傳云秦文公時  
雍南山有大梓樹文公伐之輒有大風雨樹生合不斷時有一  
人病夜往山中聞有鬼語樹神曰秦若使人彼髮以朱絲繞樹  
伐汝汝得不困耶樹神無言明日病人語聞公如其言伐樹斷  
中有一青牛出走入豐水中其後牛出豐水中使騎擊之不勝  
有騎墮地復上髮解牛畏之入不出故置鬣頭漢魏晉因之武  
都郡立怒特祠是大梓牛神也今俗畫青牛障是○索隱曰蕩  
社西戎之君號曰亮王○正義曰彭戲氏戎號也○孟康曰初



伏六月伏日初也周時無至此乃有之○正義曰曆忌釋云伏者何以金氣伏藏之日也四時代謝皆以相生立春木代水水生木立夏火代木木生火立冬水代金金生水立秋以金代火故至庚日必伏也○蠱者熱毒故磔狗以禦之狗陽畜也○括地志云漢有五時秦文公作鄜時祭白帝秦宣公作密時於渭南祭青帝秦靈公作吳陽上時祭黃帝作下時亦祭黃帝漢高帝曰天有五帝今四何也遂立黑帝為此時○茅津戍號○涇地名○河曲晉地○服虔曰公孫支秦大夫公孫子桑○馬羈國語云晉師潰戎馬還渚而止○賈逵曰諸侯雍餼七牢牛一

羊一豕一為一牢○正義曰秦師無禮謂過天子門不卷甲束兵超乘示勇也○弦高人名○徐廣曰世本云景公名后伯車也索隱曰景公始皇本紀作哀公○杜預曰棧林秦地○索隱曰哀公始皇本紀作畢公○正義曰智開智伯子○南鄭地屬楚○索隱曰獻公名師隰○孝公名渠梁○周禮曰白與黑謂之黼黑與青謂之黻○應劭曰獮戎邑○正義曰景監閩人○劉伯莊云冀猶記事關即象魏也○風俗通曰南北曰阡東西曰陌○索隱曰惠文君名駟○犀首官名公孫衍也○正義曰初臘穰禽獸以歲終祭先祖秦惠文王始效中國立此目也



必記

禮傳云夏曰嘉平殷曰清祀周曰蜡漢改曰臘○修魚韓邑○  
索隱曰蜀西南夷舊有君長其後有杜宇自立為王號望帝○  
正義曰劉滿秦將○丹犁二戎號臣服於蜀蜀相殺蜀侯并丹  
犁降秦○索隱曰武王名蕩○正義曰宜陽韓之大郡伐取之  
三川路乃通也○徐廣曰武遂韓邑○索隱曰昭襄王名則一  
名稷○正義曰嚴君疾蓋封蜀郡嚴道縣因號嚴君疾名也○  
索隱曰涇陽君名市○金受秦相姓名○尉秦官斯離姓名也  
○正義曰蜀守若者張若為蜀郡守西周君武公也○秦昭王  
取九鼎一飛入泗水餘入秦中○索隱曰孝文王名柱○徐廣

曰八子者妾媵之號姓唐考文王母○索隱曰莊襄王名子楚



史記

秦始皇本紀註

索隱曰秦與趙同祖以趙城為榮故姓趙○徐廣曰始皇以正月旦生故名正後以始皇諱故正音征

八年

索隱曰璧死言成蟜辟於屯留而死○蒲鶒二邑之反卒雖死猶皆戮其屍○河魚大上言遭水害也○嫪毐邯鄲人

九年

衛宏曰秦以前民皆以金玉為印龍虎唯其所好秦以來天子獨以印稱璽又獨以玉群臣莫敢用○漢書百官表曰按秦時少府有佐弋漢武帝改為飲飛掌弋射者○應劭曰取薪給宗廟為鬼薪如淳曰律說鬼薪作三歲○索隱曰衍氏魏邑

史記卷六

秦始皇本紀註



十年

說苑云皇太后幸嫪毐生二子始皇取毒車裂之取二子撲殺之遷太后於咸陽宮下令曰以太后事諫者戮而殺之蒺藜其脊諫而死者二十七人矣茅焦復諫王乃自迎太后立焦為傅太后喜曰使妾母子復相見者茅君之力也

十一年

漢書百官表曰百石以下有斗食佐史之秩

十二年

索隱曰不韋以飲酖死其賓客數千竊之以葬於洛陽北芒山○臨哭也

二十三年

正義曰秦號楚為荊者以莊襄王名子楚諱之索隱曰縮姓王劫姓馮○蔡邕曰天子必有近臣與陛側以戒

不虞群臣與天子言不敢指斥故呼在陛下者與之言○索隱

曰三皇已前稱秦皇○蔡邕曰朕我也古者上下共稱之至秦

然後天子獨以為稱○正義曰謚法周公所作○漢書郊祀志

曰齊人鄒子之徒論著終始五德之運始皇採用○漢書五行

志云二十六年有大人長五丈足履六尺皆夷狄服見於臨洮

故銷兵器鑄而象之後漢書云翁仲其名也漢世在長樂宮門

董卓壞銅人十其二枚徙清門裏魏明帝欲將詣洛載到霸城

重不可致後石季龍徙之鄴符堅又徙入長安而銷之

應劭曰甬道謂於馳道外築墻天子於中行外人不見

二十七年

卷六

秦始皇本紀註

二



三十八年

索隱曰倫侯者爵卑於列侯無封邑者倫類也○楊慎曰舒雅  
文纂曰威烈時九鼎震震者淪之兆也鼎神物也既能震則沒  
入水理也宋太丘社亡亡者自亡也社能自亡則鼎能自沒無  
疑使鼎誠在秦則始皇必不入水而求也秦所鑄金人靈爽少  
矣猶能潛然泣下於將徙之時况神禹之鼎乎

三十一年

太原真人茅盈內紀曰始皇三十一年九月庚子盈魯祖父蒙  
乃於華山之中乘雲駕龍白日升天先是其邑謠歌曰神仙得  
者茅初成駕龍上升入秦清時下玄洲戲赤城繼世而往在我  
盈帝芳學之臘嘉平始皇聞而問其故父老具對勸帝求長生

之術始皇欣然因改臘曰嘉平

三十三年

正義曰羨門高誓皆古仙人

三十四年

正義曰嶺南之人多處山陸其性強梁故曰陸梁

三十五年

漢書百官表曰僕射秦官古者重武官有主射以督課之僕主  
也○如淳曰律說論決為髡鉗輸邊築長城晝日伺寇虜夜暮  
築長城城旦四歲也

三十六年

索隱曰天官書云天極紫宮後七星絕漢抵營室曰閣道○  
正義曰餘刑見於市朝宮刑一百日隱於陰室養之故曰隱宮  
下蠶室是也○衡石量書言表殿奏請秤取一石



三十六年

索隱曰瀉池君水神也秦水德王故其君將亡水神先自相告也

三十七年

索隱曰豶牡猪也言夫淫他室若寄豶之猪○徐廣曰人魚似鮎曰脚按今帝王用漆燈冢中則火不滅○正義曰中美謂冢中神道

二世元年

漢書百官表曰郎中令秦官掌宮殿門戶○索隱曰三郎謂中郎外郎議郎○李奇曰張楚張大楚國也○漢書百官表曰謁者秦官掌賓贊受事

三年

應劭曰少府掌山澤陂池之稅名曰禁錢以給私養自別為少者小也○爾雅云穀盡也又訓粗同糶

總紀

索隱曰著即宇也門屏之間曰宇學著人學於宇間之人故詩云俟我於著乎而是也

班論

索隱曰仁不代母者周得木德木生火周為漢母也子不代母而王言漢不合即代周故秦值其閏位○諸侯十三始皇年十三初為秦王也○正義曰狼弧主弓矢星○天官書云參伐主斬艾事○公羊傳曰楚莊王伐鄭鄭伯肉袒左執茅旌右執鸞刀以逆莊王莊王退舍七里何休曰茅旌鸞刀祭祀所用也執宗廟器者示以宗廟血食自歸按莊作嚴避明帝諱○春秋曰



史記

紀季以鄒入於齊公羊傳曰何以不名賢之也謂設五廟以存  
姑姊妹也

項羽本紀註

地理志臨淮有下相縣○索隱曰項城縣屬汝南○逮謂有罪  
為所逮錄○按秦會稽原屬吳故曰吳中○索隱曰大澤在沛  
郡蘄縣○楚漢春秋曰會稽假守殷通○晉灼曰東陽本屬臨  
淮郡漢分屬下邳後復分屬廣陵○索隱曰按布姓英咎繇之  
後人言後當以罪被黥故改姓黥以應相者之言○正義曰下  
邳泗水縣也○陳涉世家曰秦嘉廣陵人○文穎曰景駒楚族  
○鄧展曰胡陵縣屬山陽○徐廣曰栗縣在沛○正義曰薛在  
徐州滕國縣界○襄城在許州○徐廣曰南公楚人善言陰陽

史記卷七

項羽本紀註



正義曰三戶漳水津也在鄴西南公知秦亡必於三戶後項羽  
果渡三戶津破章邯降之秦遂亡○按盱眙今楚州○括地志  
云亢父在兗州任城縣南○東阿故城在濟州○城陽在濮州  
東○濮陽在濮州西○正義曰定陶曹州城○睢立今汴州○  
應劭曰李絲李斯子○括地志外黃在睢立縣東○應劭曰碭  
屬梁國○甬道恐敵抄輜重故築墻垣如街巷○後魏書地形  
志云今宋州楚丘西北有安陽故城○索隱曰顏師古言以手  
擊牛可以殺其上蟲而不能破其內蟲喻方欲滅秦不可與章  
邯即戰也○地理志無鹽屬東平郡之縣○如淳曰枝梧猶枝  
捍也瓚曰小柱為枝邪枉為梧○張晏曰軍行以車為陣轅相  
向為門故曰轅門○晉灼曰棘原在鉅鹿南○括地志云漳水  
在平鄉縣南○司馬門者宮垣之內兵衛所在四面皆有司馬  
主武事總言之外門為司馬門○張晏曰候軍候索隱曰始成  
其名也○徐廣曰汙水在鄴西○應劭曰殷虛故殷都○文穎  
曰時函樹在弘農縣衡山嶺○索隱曰鴻門在新豐古城東○  
服虔曰鯁小人貌○正義曰項莊項羽從弟○括地志云南鄭  
南梁州所理縣也○徐廣曰燕王廣都無終○齊王市都即墨  
○孟康曰舊名江陵為南楚吳為東楚彭城為西楚○索隱曰



戲水名也羽初停軍戲水西○正義曰師古云漢王東之時已  
得三秦五諸侯者謂常山河南韓魏殷也○瓚曰穀泗二水皆  
在沛郡彭城○正義曰靈璧在徐州符離縣西北○徐廣曰睢  
水於彭城入泗水○按鄆審趙三人同名食其以六國時衛有  
司馬食其並慕其名也○徐廣曰下邑在梁○服虔曰古者二  
十而傳三年耕有一年儲故二十三而後役之未二十三為弱  
過五十六為老乃得就田里今老幼未嘗傳者皆發之○正義  
曰京縣鄭州滎陽東南索在滎陽西北○索隱曰夏侯嬰為滕  
令故呼為滕公○孟康曰於滎陽築兩城相對為廣武在敖倉

西○李奇曰挑戰挑身獨戰不復須衆也○孟康曰留鄭邑後  
為陳所并故曰陳留○正義曰宋州外城漢之睢陽縣○瓚曰  
汜水今成臯城東○文穎曰滎陽下引河東南為鴻溝正義曰  
始皇鑿引河水以灌大梁謂之鴻溝○括地志云陳州太康縣  
本漢陽夏縣○晉灼曰固陵即固始也○正義曰陳即陳州○  
穀城在東阿縣○壽春壽州縣也城父亳州縣也城下是嵩山  
絕巖徐廣曰在沛之汶縣○如淳曰以舒屠六以舒之衆屠破  
六縣○正義曰九江郡壽州也○楚漢春秋云美人和歌曰漢  
兵已略地四方楚歌聲大王意氣盡賤妾何聊生○徐廣曰陰



史記  
陵在淮南○漢書音義曰東城縣屬臨淮○正義曰辟易言開  
張易舊處○瓚曰烏江在牛渚○孟康曰檣附舡着岸也○如  
淳曰面之不正視也○徐廣曰項王死漢五年之十二月時年  
三十○桃侯名襄其子舍為丞相○平臯侯名佗○玄武侯諸  
侯表中不見  
正義曰孔文祥云周生漢時儒者

高祖本紀註

荀悅曰高祖諱邦張晏曰謚法無高以為功最高而為漢帝之  
太祖故特起名焉○索隱曰按高祖劉累之後別食邑於范士  
會之裔留秦不反更為劉氏劉氏隨魏徙大梁後居豐○皇甫  
謚云太公名執嘉○索隱曰媪婦人長老之稱○如淳曰武姓  
也俗謂老大母曰阿負武負即此謂也○賞賒也○索隱曰讎售  
同○周禮小司寇云聽稱責以傳別傳別券書也書而別之也  
古用簡札故可折棄責總棄不責也○應劭曰繇役也○相經  
云呂公名文字叔平○索隱曰主進主賦歛禮錢○應劭曰求



盜者舊時亭有兩卒其一為亭父掌開閉掃除一為求盜掌逐捕盜賊○應劭曰秦襄公自以居西戎主少昊之神作西時祠白帝至獻公時櫟陽雨金以為瑞又作畦時祠白帝少昊金德也赤帝堯後謂漢也○徐廣曰秦二世元年高祖時年四十八○正義曰能者獸形色似熊足似鹿為物堅中而強力故人之有賢才者皆謂之能○裴駟曰舊楚僭稱王其縣宰為公陳涉為楚王沛公起應涉故從楚制稱公○索隱曰按燕趙齊魏韓廣武臣田儋魏咎四國皆自立為王○左司馬即曹無傷○文穎曰梁惠孫假為秦所滅轉東徙於豐故曰豐故梁徙○瓚曰

東陽竄君自一人秦嘉又自一人○蘇林曰五大夫第九爵也以五大夫為將凡十人○周禮有銜枚氏鄭玄曰止言語囂讙也枚狀如著橫銜之繮結於項者○索隱曰西以散關為限東以函谷為限二關之中謂之關中○應劭曰劉武侯楚懷王將史失其姓名○晉灼曰高武侯鯁功臣表感鯁也○按王陵封安國侯是定天下為丞相時所封此言襄侯蓋初封也如淳曰張蒼傳云以高祖十月至霸上故因秦以十月為歲首○崔浩云正月史官以正月紀四時故書正月○索隱曰棧道閣道也崔浩云險絕之處傍鑿山巖而施版梁為閣

元年



史記

二年

正義曰三老一鄉之掌教化者橫道自言曰庶○韋昭曰三河河南河東河內

三年

索隱曰夏侯嬰為滕令故稱滕公○徐廣曰項羽紀云北門名玉門

四年

索隱曰王諸將善地謂韋耶等○徒遂故主謂田氏趙歇韓廣之屬

五年

正義曰孔將軍蓼侯孔熙費將軍費侯陳賀二人皆韓信將縱縱兵以擊也○正義曰利幾姓名○如淳曰通侯籍得在通侯之籍

七年

李奇曰擁篲如今卒持帚者也○索隱曰百二百中之二倍秦百萬可當諸侯之二百萬也齊得十二亦如之○晉灼曰孟津號黃河故曰濁河

八年

正義曰搜神記云昔秦人築城於武周塞以備胡城將成而崩者數矣有馬馳走周旋反覆父老異之因依以築城乃不崩遂名馬邑○顏師古曰曼丘姓臣名

十年

括地志云栢人縣名  
正義曰太上皇時悽愴不樂高祖切因左右問故荅以平生所好皆屠販少年酤酒賣鷄蹴鞠以此為歡今皆無此故不樂高

史記卷八

高祖本紀註

三



十二年

高乃作新豐徙諸故人實之太上皇乃悅新豐故城在雍州○  
裴駙曰會觀邑名○應劭曰筑狀似瑟而大頭安弦以竹擊之  
○張晏曰張帷帳也○皇甫謐曰高祖以秦昭王五十一年生  
至漢十二年年六十三○漢書曰酈將軍酈商也○裴駙曰原  
者再也先已立廟今又再立故謂之原廟

呂后本紀註

漢書音義曰呂后諱雉字娥姁古妃字妻之通稱○惠帝諱盈  
謚法柔節慈民曰惠○徐廣曰周呂侯名澤○如淳曰張敖子  
偃為魯王故公主得為太后○正義曰漢法諸侯各起邸第於  
京師故有齊邸○皇甫謐曰惠帝以秦始皇三十七年生崩時  
年二十三○徐廣曰齊丞相壽姓齊○少府延姓陽成也延以  
軍匠起作宮築城也○呂種釋之子○呂平太后姊子也母字  
長姁○張買其父越人為高祖騎將○呂須樊噲妻○徐廣曰  
諸侯丞相五人中邑侯朱通山都侯王恬開松茲侯徐厲滕侯



呂更始醴陵侯越也○正義曰劉伯莊云美人子諸美人元幸  
 呂氏懷身而生子○徐廣曰呂祿呂后光子前封胡陵侯益號  
 武信○如淳曰謁者掌賓贊受事灌嬰為中謁者後常以奄人  
 為之諸官加中者多奄人也○呂榮呂后昆弟子○列侯出關  
 就國關內侯但爵其身有加異者與關內之邑食其租稅○蔡  
 邕曰皇子封為王者實古諸侯也如號稱王故謂之諸侯王王  
 子封為侯者謂之諸侯○索隱曰吳楚齊淮南琅邪代常山王  
 朝淮陽王武濟川王太是九王也○梁王產趙王祿燕王通是  
 三王也○徐廣曰襄平通姓紀其父成以將軍定三秦死事者  
 ○漢書百官表曰興客秦官掌諸侯歸義蠻夷



孝文本紀註

漢書音義曰文帝諱恒○索隱曰宋昌宋義孫也○索隱曰三  
輔故事咸陽宮在渭北興樂宮在渭南秦昭王通兩宮之間作  
渭橋長三百八十步○蘇林曰陰安侯高帝兄伯妻美頓侯終  
毋丘嫂也○徐廣曰列侯頃王后代頃王劉仲之妻仲子漢為  
吳王故追謚為頃也○蘇林曰楚王名交高帝弟○如淳曰賓  
主位東西面君臣位南北面故西鄉坐三讓不受群臣皆稱宜  
乃更迴坐示變即君位之漸者也○應劭曰清宮天子行幸所  
至必遣靜宮令先按行清靜殿中以虞非常○文穎曰酺五日



元年

者漢律三人已上無故群飲罰金四兩今詔橫賜得令會聚飲食五日

正義曰昨主人階也○從平為右丞相此時尚右也○正義曰漢置九卿一曰太常二曰光祿三曰衛尉四曰太僕五曰廷尉六曰大鴻臚七曰宗正八曰大司農九曰少府

二年

正義曰按說文云日蝕則朔月蝕則望而云晦日食之望日又食之恐曆錯誤○蘇林曰憫寢視不安之貌○索隱曰遺猶留也言太僕見在之馬今留纔足充事○應劭曰旌旗也堯設之五達之道○誹謗之木橋梁邊板所以書政治之愆失也○索

十三年

隱曰說文云譏欺也謂初相約共行祝後相欺誑中道而止之也○應劭曰銅虎符第一至第五國家當發兵遣使者至郡合符符合乃聽受之竹使符以竹箭五枚長五寸鐫刻篆書第一至第五

索隱曰淳于公名意○正義曰晉書刑法志云五帝畫衣冠而民知禁犯黥者皁其中犯劓者丹其服犯贖者墨其體犯宮者雜其屨大辟之罪殊刑之極布其衣裾而無顏緣投之於市與衆棄之○孟康曰肉刑三謂黥劓剕也瑞應圖云玉英以常並修則見

十五年



六年元干

應劭曰玉杯乃新垣平詐令人獻之者○索隱曰按封禪書以新垣平候日再中故改元也

後六年

後七年

徐廣曰祝茲侯姓徐名悍○細柳在長安西棘門在長安北○徐廣曰帝崩年四十七○晉灼曰踐漢語作跣跣徒跣也○服虔曰大紅小紅言布也纖細布衣劉德云紅功也男工非一故以工力為字而女工惟在於絲故以系工為字○應劭曰夫人以下有美人良人八子七子長使少使凡七輩○漢書百官表曰典屬國秦官掌蠻夷降者李奇曰將屯監主諸屯也○索隱曰復土謂穿壙出土下棺已而填之○百官表云內史掌理京

九年

兆之官景帝更名京兆尹

張晏曰正月旦作酒八月成名曰酎酎之言純也至武帝八月嘗酎會諸侯廟中出金助祭所謂酎金也○孟康曰武德高祖所作也文始舜舞也五行周舞也武德者其舞人執干戚文始舞執羽籥五行舞冠冕服法五行色見禮樂志



孝景本紀註

荀悅曰帝諱啟字曰開○蓋法絲義而濟曰景

三年

徐廣曰孫係鄒誕生本作侯又按漢書功臣表及蕭何傳皆云

孫嘉○索隱曰荀悅云傅正卒也小顏云舊法二十三而傅今

五年

改以二十也○廣川王彭祖長沙王發皆景帝子

六年

索隱曰陽陵景帝豫作壽陵

中二年

徐廣曰江都丞相嘉姓程趙丞相嘉姓蘇

文穎曰封四侯楚相張尚太傅趙夷吾趙相建德內史王悍此  
四人各諫其王無使及不聽皆殺之故封其子



中四年

中六年

璜曰德陽宮景帝廟也帝自作之諱不言廟故言宮  
 漢書百官表曰主爵中尉秦官掌列侯○詹事秦官掌皇后太  
 子家應劭曰詹省也給也其秩三千石張晏曰以太后所居宮  
 為名長信宮則曰長信少府長樂宮則曰長樂少府○漢書百  
 官表曰將行秦官應劭曰長秋皇后卿○璜曰大行官名掌九  
 儀之制以賓諸侯○奉常秦官掌宗廟禮儀○韋昭云大行秦  
 時云典容景帝初改為大行後更名大鴻臚○百官表云治穀  
 內史秦官掌穀貨○韋昭曰大內京師府也○索隱曰左右內  
 官者王天子之私財曰小內小內即屬大內

後元年

正義曰衛尉秦官掌宮闈門衛也兵景帝初更命中大夫今復  
 為衛尉

後二年

正義曰郵將軍名都○纓八十縷也七升布用五百六十縷○  
 索隱曰止馬春止人為馬春粟也

後三年

索隱曰天庭即龍星右角也按石氏星傳曰龍在左角曰天角  
 右角曰天庭○皇甫謐曰帝以孝惠七年生崩年四十八○按  
 外戚世家皇太后母臧兒初嬪王氏生子信而寡更嫁長陵田  
 氏生蚡及勝



史記

孝武本紀註

漢書音義曰帝諱徹謚法克定禍亂曰武○索隱曰按景十三  
王傳廣川王以上皆是武帝兄自河間王德以至廣川凡有八  
人則帝第九也○張晏曰武帝以景帝元年生七歲為太子又  
十歲而景帝崩○自初即位以下註俱詳封禪書

卷十二

孝武本紀註



史記

*[Faint bleed-through text from the reverse side of the page]*

三代世表註

索隱曰應劭云表者錄其事而見之按禮有表記而鄭玄云表明也謂事微而不著須表明也○系本云帝皐生發及履癸○殷本紀及系本皆云小甲太康子○系本沃甲作開甲○宋衷云昭王南伐楚辛繇靡為左涉漢中流而隕繇靡承王遂卒不返周乃侯其後於西翟○周穆王滿穆當作繆張夫子未詳○按姬從女從巨或謂履巨人跡故姓姬







史記

六國表註

索隱曰周元王名仁系本名赤○徐廣曰元王元年乙丑○索  
 隱曰秦厲共公悼公子○徐廣曰楚惠王章十三年亦魯哀公  
 十九年○索隱曰晉定公名午○按蔡景侯景字誤合作成侯  
 ○蔡聲侯名產成侯子○魯悼公系本名寧○魏桓子名駒○  
 韓康子名虎○威烈王名午韓列侯名取○趙肅侯名語

史記卷十五

六國表註



史記

六國

*[Faint bleed-through text from the reverse side of the page]*

秦楚之際月表註

素隱曰楚懷王名心○姚氏云韓成是項梁所立此云並項羽  
所命不細區別○衡山王吳芮為長沙王改封也

卷十六

秦楚之際月表註



史記

漢興以來諸侯年表註

韋昭曰漢興序二等漢封功臣大者王小者侯也○徐廣曰高祖同姓九國齊楚荆淮南燕趙梁代淮陽索隱曰徐氏九國不數吳蓋以荆絕乃封吳故也○休訓習言習於邪臣之謀計○徐廣曰齊分為七城陽濟北濟南菑川膠東膠西是分為七趙分為六河間及廣川中山常山清河也梁分為五濟陰濟川濟東山陰也淮南分三廬江衡山也

史記卷十七

漢興以來諸侯年表註







史記

也姚氏按孔子家語云子武生子魚及子文子文生晁字子產

說文以晁為積聚字此作叢不同

漢書卷之六十四

卷之六十四

卷之六十四

卷之六十四

卷之六十四

卷之六十四

卷之六十四

惠景間侯者年表註

鄧展曰漢約非劉氏不王如芮王故著令使特王或曰以芮至

忠故著令也○索隱曰非同姓而王者八國謂齊王韓信韓王

韓信燕王盧縮梁王彭越趙王張耳淮南王英布臨江王共敖

長沙王吳芮也○按此表芮子淺封便侯傳至玄孫又封成王

臣之子為沆臨侯亦至魯孫故曰毋功而侯者數人





史記

建元以來侯者年表註

毛詩傳曰戎狄是應應當也○鄭玄曰徵艾索隱曰荼音餘徵音澄○隨成侯趙不虞功先澄石累累地名漢表作壘元狩三年坐為定襄都尉匈奴敗太守以聞非實坐謾者謂上聞天子狀不實為謾也謾音木干反

以三得之者即上所謂行權合變度時施宜希世用事也陽城侯田延年盜都內錢漢書百官表曰司農屬官有都內○高昌侯董忠給事期門者漢書東方朔傳曰武帝徵行出與侍中常侍武騎及侍詔隴西北地良家子能騎射者期諸殿門故

摘生論

史記卷二十

建元以來侯者年表註



有期門之號

建元以來王子侯者年表註

索隱曰齊孝王子敬侯劉越漢表作敷侯敷謚也說文云敷讀如躍○城陽頃王子庸侯劉譚漢表名餘



漢興以來將相名臣年表註

索隱曰大事記謂誅伐封建薨叛○相位謂置立丞相太尉三公○將位謂命將興師○御史大夫位謂強相○按高后二年平陽侯曹窋一本為御史大夫在六年○徐廣曰三分錢漢書云半兩四分曰兩○孝景太后崩景帝毋實氏也





禮書註

索隱曰大行秦官主禮儀○周禮曰王之五路有金路鄭玄曰以金飾諸木故曰金輿錯衡○服虔曰大路祀天卓越席結括草以為席括草蒲草也○周禮曰王視朝則皮弁之服皮弁以鹿子皮為弁○應劭曰初用夏正以正月為歲首改年為太初○服虔曰箬謂之第○鄭玄曰和鸞皆鈴也所以為車行節○索隱曰寢兒以兒牛皮為席持虎者以猛虎皮文飾倚較及伏軾也鮫鞞者以鮫魚皮飾馬腹帶也彌龍以金飾衡為龍也○徐廣曰大剗曰鉅○索隱曰莊躄楚將○山海經曰夸父與日



逐走日入渴欲得飲飲於渭水不足比飲大澤未至道渴而死  
棄其杖化為鄧林後遂為林名○毛詩敘曰文武之功起於后  
稷故推以配天謂之天太祖○索隱曰懷思祀其父祖也禮所  
謂諸侯不敢祖天子是也○禮記曰別子為祖繼別為宗百世  
不遷者謂別子之後也故曰有常宗○索隱曰疇類也天子類  
得郊天○天子已下至諸侯得立社○函舍也謂包容諸侯已  
下至士大夫得祭社故禮云大夫成群立社曰置社亦曰里社  
也○鄭玄曰古者方十里其中六十四井出兵車一乘此兵法  
之賦○鄭玄曰大享祫祭先王以腥魚為俎實不臠熟之也○  
齊至盞○索隱曰太一者天地之本也○鄭玄曰啐入口也按  
儀禮祭畢獻祝西面告成是為利爵祭初未行無筭爵故不啐  
入口也○索隱曰成事卒哭之祭既是卒哭始從吉祭故受酢  
爵而不嘗俎也○禮祭必立宥一人以勸尸三飯三宥既是勸  
尸故不相食也○婚禮父親醮子而迎之前故曲禮云齋戒以  
告鬼神是嫁禮有齋也○素幃謂車蓋以素帷也○儀禮士喪  
禮曰始死主人散帶垂之三尺名曰散麻○禮記曰斬哀之哭  
若往而不反○索隱曰膈懸鐘格也不擊其鐘而拊其膈不取  
其聲亦從質也○噍自小也○索隱曰守宮庭言其性守正不



謾遠行如常守宮庭○正義曰禮義人之域限也

樂書註

索隱曰過沛詩即大風歌侯兮皆語辭沛詩有三兮故云三侯  
○按十九章武帝郊祀樂○李斐曰南陽新野有暴利長當武  
帝時遭刑屯田燉煌界人數於此水旁見群野馬中有奇異者  
與凡馬異來飲此水傍利長先為土人持勒絆於水傍後馬玩  
習久之代土人持勒絆收得其馬獻之欲神異此馬云從水中  
出蘇林曰注曲之室也○正義曰太一北極太星也○鄭玄曰  
方猶文章○擘寬緩貌○索隱曰宮絃最大聲重而尊故為君  
宮屬土○商是金金為決斷臣事也次宮如臣次君者也○角



屬木聲居宮羽之中比君為劣比物為優故云清濁中人之象  
○徵屬夏夏時生長萬物皆成形體事亦有體故配事屬火○  
羽為水最清物之象故為物○徐廣曰榘記作陂○頌記作欲  
○鄭玄曰同謂協好惡異謂別貴賤○徐廣曰級記作綴○劉  
氏曰論者雅頌之辭倫者律呂之音○陳灝曰率神所以循其  
氣之伸伸陽而從天也居鬼所以歛其氣之屈屈陰而從地也  
○王肅曰級遠以象民行之勞級近以象民行之逸○鄭玄曰  
秦章堯樂名言堯德章明○咸池黃帝樂堯增修而用之咸皆  
也池之為言施也德無不施故曰備○何休曰緣申顛也千歲  
之龜青顛明乎吉凶也○鄭玄曰氣曰煦體曰嫗○索隱曰牛  
羊有鯁曰角麋鹿無鯁曰貉○懷妊在內而死曰殯外圻不成  
子曰殯○正義曰樂師雖能別詩歌並是末事故北面而弦言  
其坐處卑○宗祝佐於尸而非為敬之主○商祝者祝習商家  
神禮以相佐喪也後主人言其立處卑也○王肅曰肉好言音  
之洪美○狄成言成而似夷狄之音○鄭玄曰等差也各用其  
材之差學之也陳灝曰若十三舞勺成童舞象之類○鄭玄曰  
三步見方將舞必先三舉足以見其舞之漸○陳灝曰再始謂  
一節終而再作徃進也○亂終也歸謂舞畢而退飾作飭明以



整歸德也○王肅曰奮疾不拔言舞雖奮疾不失節○鄭玄曰綴表也所以表行列○進旅退旅俱進俱退也○和正以廣無奸聲也○正義曰合皆也守待也若作樂則拊鼓乃作也○鄭玄曰文謂鼓武謂金○相即拊也雅亦樂器名孫炎曰整其亂行節之以相赴敵訊疾趨之以雅○鄭玄曰德正應和曰莫照臨四方曰明勤施無私曰類教誨不倦曰長慶賞刑威曰君慈和徧服曰順俾當作比擇善而從之曰比○王肅曰鐘聲高故以之立號警衆也鄭玄曰橫充也謂氣作充滿○王肅曰濫會衆音也○正義曰備戒謂將欲作樂鳴鼓警戒使樂人各備容儀已久疑其遲久也○病不得衆言武王伐紂時憂不得衆心故戒衆久之乃出○鄭玄曰永嘆淫液歌遲之也○正義曰恐不逮事言衆士望武王欲伐速恒恐不及伐事之機故有是聲○王肅曰發揚蹈厲已蚤言備戒雖久發作又疾也○王肅曰致右憲左右膝至地左膝去地憲起也○正義曰非武坐言武奮之士不應有坐○王肅曰聲淫及高有貪高意也總持干楯山立不動武王所以遲之又久○正義曰太公志在鷹揚故欲及時以助之○武亂皆坐言武王伐紂時士卒行伍有亂者周召二公以治正之使其跪敬以待處分○始而北出謂樂象武



王觀兵孟津時王居鎬在南紂居朝歌在河北故儻者南來時  
 楯向北尚象之也○再成滅商言儻者初始前一向北而不儻  
 象武王前觀孟津不伐而反也至再往而向北遂奏成擊刺○  
 三成而南儻者奏而轉向南象武王勝紂還鎬之時○南國是  
 疆象南方荆蠻並來歸服為周之疆界也○分陝左右言儻者  
 至第五奏而東西中分之為左右二部象周太平後周公召公  
 分職為左右二伯之時○鄭玄曰復綴以崇天子象兵還振旅  
 反位以尊天子也○正義曰夾振言武王與大將軍夾軍而奮  
 鐸振動士卒曰伐伐四方與紂同惡者○陳灝曰建讀為鍵鎖  
 也橐韜兵器之具○王肅曰郊有學官故可以習禮○鄭玄曰  
 左東學右西學狸首騶虞所歌為節也○老更互言之耳皆老  
 人更知三德五事者



律書註

索隱曰按律有十二陽六為律黃鐘太簇姑洗蕤賓夷則無射  
 陰六為呂大呂夾鐘中呂林鐘南呂應鐘律者述也所以述陽  
 氣也呂旅助陽氣也按古律用竹用玉漢末以銅為之○律曆  
 志云夫推曆生律制器規圜矩方權重衡平準繩嘉量探頤索  
 隱鈞深致遠莫不用焉故曰萬事之根本○劉伯莊云吹律審  
 聲聽樂知政師曠審歌知晉楚之強弱故兵家尤所重○正義  
 曰兩軍相敵上皆有雲氣及日暈天官書云暈等力鈞厚長大  
 有勝薄短小無勝周禮云太師執同律以聽軍聲而詔其吉凶



史敘

所謂望敵知吉凶聞聲效勝負也○人君暴虐酷急即常寒應  
 寒生北方乃殺氣也○兵書云大戰太師吹律合商則戰勝軍  
 事張強角則軍擾多變失志宮則軍和主卒同心徵則將急數  
 怒軍士勞羽則兵弱少威焉○文穎曰共工主水官少吳氏哀  
 乘政作虐顛頊伐之○索隱曰王子子成父  
 索隱曰營室定星也定中而可作室故曰營室○正義曰漢初  
 依秦以十月為歲首故起應鐘○索隱曰須女娶女名○白虎  
 通云姑者故也洗者鮮也言萬物去故就新○中呂言陽氣將  
 極中克大也○索隱曰注味也天官書柳為鳥味則注柳星也  
 ○白虎通云羸者下也賓者敬也言陽氣上極陰氣始賓敬之  
 也○揚慎曰吳音孤孤落離落也○白虎通云林者衆也言萬  
 物成熟物類多也○夷傷也則法也言萬物始傷被刑法也○  
 爾雅云蜀謂之畢○索隱曰留即昂也毛傳亦以留為昂○白  
 虎通云南呂南任也言陽氣尚任包大生薺麥也○索隱曰天  
 官書云奎為溝瀆婁為聚衆胃為天倉今此說不同各是異家  
 之說也○白虎通云射終也言萬物隨陽而終當復隨陰而起  
 無有終已  
 索隱曰律九九八十一故云長八寸十分一云宮者黃鐘為律

律書



之首宮為五音之長十一月以黃鐘為宮則磬得其正○大呂為商者所以助陽宣化也○姑洗為羽者金生水故也○林鐘為角者水生木故以為角不用絃賓者以陰氣起陽不用事故去也

索隱曰子一分自此已下十一辰皆以三乘之為黃鐘積實之數也○按子律黃鐘長九寸林鐘為衡衡長六寸以九比六三分少一故云丑三分二即是黃鐘三分去一下生林鐘數也○十二律以黃鐘為主黃鐘長九寸太簇長八寸圍八分寅九分八即是林鐘三分益一上生太簇之義也○正義曰孟康云元

氣始起於子未分之時天地人混合為一故子數獨一漢書律曆志云太極元氣函三為一行於十二辰始動於子參之於丑得三又參於寅得九又參之於卯得二十七又參之於辰得八十一又參之於巳得二百四十三又參之於午得七百二十九又參之於未得二千一百八十七又參之於申得六千五百六十一又參之於酉得萬九千六百八十三又參之於戌得五萬九千四十九又參之於亥得十七萬七千一百四十七此陰陽合德氣鍾於子化生萬物者也然丑三分二寅九分八者並是分之餘數○以丑三乘寅寅三乘卯得二十七南呂為卯衡長



五寸三分寸之一以三約二十七得九即黃鐘之本數又以三約十六得五縣三分之一即南呂故云邠二十七分十六亦是太簇三分去一下生南呂之義已下八辰並准此

索隱曰按蔡邕云陽生陰為下生陰生陽為上生又律曆志云陰陽相生自黃鐘始而左旋八八為五孟康註云從子數辰至未得八下生林鐘數又自未至寅亦得八上生太簇律是也然上下相生皆以此為率今云以下生者謂黃鐘下生林鐘黃鐘長九寸倍其實者二九十八三其法者以三為法約之得六為林鐘之長也○四其實者謂林鐘止生太簇林鐘六寸以四乘六得二十四以三約之得八即為太簇之長也○上九商八羽七角六宮五徵九此五聲之數亦上生三分益一上生三分宮去一下生徵徵益一上生商商去一下生羽羽益一上生角然此文似教錯未暇研覈也○漢書律曆志曰太極元氣函三為一行之於十二辰始動於子參之於丑得三又參之於寅得九是謂置一而九三之也樂彥云一氣生於子至丑而三是一三也又自丑至酉為九皆以三乘之是九三也○索隱曰實謂以子一乘丑三至亥得十七萬七千一百四十七為實數如法謂以上萬九千六百八十三之法除實得九為黃鐘之長言得



一者算術設辭也得下有長一下有寸者皆衍字也○音始於  
宮窮於角者即如上文宮下生徵徵上生商商下生羽羽上生  
角是其窮也○妙謂微妙之性初猶見也核研核也

歷書註

索隱曰按古歷者謂黃帝調歷以前有上元太初歷等皆以建  
寅為正謂之孟春也及顓頊夏禹亦以建寅為正唯黃帝及殷  
周魯並建子為正而秦正建亥漢初因之至武帝元封七年始  
改用太初歷仍以周正建子為十一月朔旦冬至改元太初歷  
焉○夜至雞三鳴則天曉乃始為正月一日言異歲也○正義  
曰一日一夜曰幽明

索隱曰黃帝使羲和占日常儀占月史區占星氣伶倫造律呂  
大撓作甲子隸首作筭數容成綜此六術而著調歷○應劭曰



史記

嘉生嘉穀也○漢書音義曰正月為孟陬攝提星名○如淳曰疇類也疇昔知星人也○索隱曰閏字長公明曉天文隱於落下武帝徵待詔太史於地中轉渾天改顛頊歷作太初歷拜侍中不受○按黃帝嘗總會星辰次舍部位展轉推求如律呂相生故曰合而不死○索隱曰紬績言造曆筭運者猶若女工緝而織之○爾雅云歲在甲曰焉逢寅曰攝提格○索隱曰按僖公云天元之始於十一月甲子夜半朔旦冬至日月若連珠俱起牽牛之初歲雄在閏逢雌在攝提格月雄在畢雌在訾訾則媿訾之宿日雄在甲雌在子是陽氣支干之首也

五刑甲子

索隱曰正北謂節首十一月甲子朔旦時加子為冬至故云正北也○十二謂歲有十二月有閏則云十三○正義曰無大小餘者以出閏月之歲有三百五十四日三百四十八分除五百三百日餘有五十四日三百四十八分緣未滿六十日故置為來年大小餘亦為太初元年日得甲子朔旦冬至前年無奇日分故無大小餘也○索隱曰上大小餘朔之大小餘此謂冬至大小餘冬至亦與朔同日並無餘分至與朔法異故重列之索隱曰大餘五十四者歲十有二月六大六小合三百五十四自以六甲除之五六三十除三百日餘五十四日故下云大餘

美初元

史記卷二十六

歷書註

二



者日也○小餘三百四十八者太初曆法一月之日二十九日  
四十分日之四百九十九每兩月合成五十九日又餘五十八  
今十二月合餘六箇五十八得此三百四十八數故云小餘者  
月也○大餘五者周天三百六十五度四分度之一日行一度  
去歲十一月朔在牽牛初為冬至今歲十一月十二月又至牛  
初為一周六甲除之六六三十六除三百六十餘五故云大餘  
五也○小餘八者即四分之一小餘滿三十二從大餘一四八  
三十二故云小餘八明年又加八得十六故下云小餘十六次  
明年又加八得二十四故下云小餘二十四又明年加八得三

十二為滿故下云無小餘並可依太初曆法行之也

索隱曰端蒙乙也爾雅作旃蒙單閼也

游兆丙也避唐諱丙云景爾雅作柔兆執徐辰也

彊梧丁也大荒落巳也

徒維戊也敦牂午也

祝犁巳也爾雅作著雍協洽未也

商橫庚也爾雅作上章涖灘申也

昭陽辛也爾雅作重光作垂酉也

橫艾壬也爾雅作玄默淹茂戌也



在積

尚章癸也爾雅作昭陽大淵獻亥也  
馬逢甲也困敦子也  
端蒙乙也赤奮若丑也四年已後自太始征和已下訖篇末其  
年次甲乙皆准此並褚先生所續  
正義曰爾雅云萬物承陽而起故云攝提格格起也以歲在寅  
正月出東方為衆星之紀以攝提宿故曰攝提格正也○李巡  
註云單闕止也言陽氣推萬物而起也○伏蟄之物皆敷舒而  
出故云執徐○姚察云言萬物皆熾盛而大出霍然落之故云  
荒落

後元

爾雅云敦盛也祥壯也言萬物盛壯○李巡云協洽言陰陽化  
生萬物和合

發元

爾雅云澍灘萬物吐秀傾乘之貌○李巡云作鄂萬物皆落枝  
起之貌○淹茂言萬物皆蔽冒○孫炎云淵獻深也獻萬物於  
天深於藏蓋也○困敦混沌也言萬物萌混沌於黃泉之下○  
李巡云赤奮若言陽氣奮迅萬物而起無不若其性赤陽色○  
索隱曰正西謂冬子加酉時正南謂冬至加午時正東謂冬至  
加卯時



天官書卷二十七  
中宮  
天官書註  
索隱曰星座有尊卑若人之官曹列位故曰天官  
方耀鈞曰中宮大帝其精北極星含元出氣流精生一也物理  
論云北極天之中陽氣之北極也極南為太陽極北為太陰日  
月五星行太陰則無光行太陽則能照故為昏明寒暑之限極  
○正義曰太一天神之最尊貴者○三公三星在北斗杓東又  
三公三星在北斗魁西並為太尉司徒司空之象○元命包云  
紫之為言此也宮之為言中也言天神運動陰陽開閉皆在此  
中○索隱曰直當也星經云陰德二星在紫薇宮內占以不明

天官書註  
索隱曰星座有尊卑若人之官曹列位故曰天官  
方耀鈞曰中宮大帝其精北極星含元出氣流精生一也物理  
論云北極天之中陽氣之北極也極南為太陽極北為太陰日  
月五星行太陰則無光行太陽則能照故為昏明寒暑之限極  
○正義曰太一天神之最尊貴者○三公三星在北斗杓東又  
三公三星在北斗魁西並為太尉司徒司空之象○元命包云  
紫之為言此也宮之為言中也言天神運動陰陽開閉皆在此  
中○索隱曰直當也星經云陰德二星在紫薇宮內占以不明



為宜明新君幾極也又云中宮女主之象星動搖釁起宮掖○正義曰天一天帝之神主戰鬪知人吉凶明而有光則陰陽和萬物成人主吉不然反是○索隱曰石氏星讚云天榆天棗八星備非常之變也○閣道北斗之輔正義曰漢天河也直度曰絕抵至也營室七星天子之宮亦天子離宮別館也○索隱曰春秋運斗極云斗第一天樞第二天璇第三天璣第四權第五衡第六開陽第七搖光第一至第四為魁第五至第七為杓合而為斗文耀鉤云玉衡屬杓魁為璇璣啓長曆云北斗七星星間相去九千里其二陰星不見者相去八千里也馬融曰璿美玉也

璣渾天儀可轉旋故曰璇衡其中橫筒以璿為璣以玉為衡蓋貴天象也又馬融尚書註云七政者北斗七星各有所主一主日法天二主月法地三曰命火謂熒惑也四曰煞土謂填星也五曰伐水謂辰星也六曰危木謂歲星也七曰罰金謂太白也日月五星各異政故名七政○孟康曰龍角東方宿也攜連也正義曰龍角星為天關其間天門其內天庭黃道所經七耀所行左角為理主刑其北為太陽道右角為將主兵其北為太陰道○宋均云殷當也○正義曰杓斗第七星言昏建用斗杓指寅也杓當華山西南之地○孟康曰假令杓昏建寅衡夜半亦



建寅正義曰中州河濟言斗衡正當黃河清水之間○旦建用  
斗魁指寅海岱齊地言魁星主海岱之東北地也○孟康曰天  
理四星在斗魁中貴人牢名曰天理○三能泰階三台也黃帝  
六符經曰泰階者上階上星為男主下星為女主中階上星為  
諸侯三公下星為卿大夫下階上星為士下星為庶人三階平  
則陰陽和風雨時不平則稼穡不成冬雷夏霜天行暴令好興  
甲兵修宮榭廣苑囿則上階為之圻也○孟康曰輔星在北斗  
第六星旁○索隱曰勾圓形如連環即貫索星也正義曰貫索  
九星在七公前○李奇曰角共角也

索隱曰文耀鉤云東宮蒼帝其精為龍李巡曰大辰蒼龍宿體  
最明春秋說題辭云心為明堂天王布政之宮○洪範五行傳  
曰心之大星天王也前星太子後星庶子○詩紀歷樞云房為  
天馬主車駕王者恒祠之是馬祖也○元命包曰衿鉤鈴兩星  
以閑防神府主鉤鉅以備非常○說文云牽車軸帶鍵兩相穿  
背也星經云鍵閉一星在房東北掌管籥也○正義曰旗者左  
旗九星在河鼓左右旗九星在河鼓右皆天之鼓旗所以為旌  
表○天市二十三星房心東北主國市聚交易之所一曰天旗  
○索隱曰李即理法官也○正義曰大角一星在兩攝提間人



史記

君之象○元命包云攝提之為言提携也言能提斗携角以接於下也正義曰攝提六星大臣之象○亢四星為廟廷聽政之所○南門二星在庫樓南天之外門○星經云氏四星為露寢聽朝所居孫炎云角亢下繫於氏若木之有根宋均云三月榆葉落故主疾疫也然此時物雖生而日宿在奎行毒氣故有疫疾○正義曰尾為折木之津於辰在寅燕之分野尾九星為後宮亦為九子星近心第一星為后妃次三星並為次三嬪末二星為妾○宋均云教調弄也箕以簸揚調弄為象箕又受物有去去來來客之象也詩云維南有箕載翕其舌正義曰箕主八

南宮

風月宿其野為風起○韋昭曰火熒惑正義曰熒惑犯守箕尾氏星自生芒角則有戰陣之事若熒惑守房心及房心自生芒角則王者惡之也索隱曰文耀鉤云南宮赤帝其精為朱鳥正義曰柳八星為朱鳥味天之廚宰主尚食和滋味○孟康曰軒轅為權太微為衡權四星在軒轅尾西主烽火備警急○宋均曰太微天帝南宮三光日月星也○正義曰太微宮垣十星在翼軫地天子之宮庭五帝之坐十二諸侯之府也其外藩九卿也南藩中二星間為端門次東第一星為左執法廷尉之象第二星為上相第三



星為次相第四星為次將第五星為上將端門第一為右執法御史大夫之象第二星為上將第三星為次將第四星為次相第五星為上相其東垣北左執法上相兩星間名曰左掖門上將兩星間名曰東華門上相次相上將次將間名曰太陽門其西垣右執法上相間名曰右掖門上將間名曰西華門次將次相間名曰中華門次相兩星間名曰太陰門各依其名是其職也○五帝坐者黃帝坐一星在太微宮中含樞紐之神四星夾黃帝坐蒼帝東方靈威仰之神赤帝南方赤熒怒之神白帝西方白昭矩之神黑帝北方叶光紀之神五帝並設神靈集謀者也○郎位五星在太微中帝坐東北周之元士漢之光祿中散諫議此三署郎中是今之尚書郎○郎將一星在郎位東北今之左右中郎將○索隱曰順入從西入也○逆入從東入不軌道不繇康衢而入也以所犯命者隨所犯之位天子必命誅討其人晉灼曰中坐犯帝坐成形禍福之形見也○正義曰廷太微廷藩衛也隋謂垂下也少微四星在太微南北列第一星處士也第二星議士也第三星博士也第四星大夫也○軒轅十七星在七星北黃龍之體主雷雨之神後宮之象也陰陽交感雷激為電和為雨怒為風亂為霧凝為霜散為露聚為雲氣立



為虹霓離為背璫分為抱珥二十四變皆軒轅主之其大星女  
主也次北星夫人也次北一星妃也其次諸星皆次妃之屬女  
主南一星女御也左一星少民后宗也○東井八星鉞一星輿  
鬼四星為盾一星為鷄首於辰在未皆秦之分野一大星黃道  
所經為天之亭候主水衡事法令所取平也王者用法平則井  
星明而端列鉞一星附井之前主伺奢淫而斬之○南河三星  
北河三星分夾東井南北○索隱曰宋均云兩河六星知逆邪  
言關梁之限知邪偽也正義曰闕丘二星在河南天子之雙闕  
諸侯之兩觀亦象魏縣書之府○輿四星主祠事天田也主視

明察姦謀東北星主積馬東南星主積兵西南星主積布帛西  
北星主積金玉中一星為積屍一名盾主喪死祠祀○索隱曰  
德成衡衡則能平物故有德公平者先成形於衡觀成潢為帝  
車舍言王者遊觀亦先成形於潢也傷成鉞者傷敗也言王者  
敗德亦先成形於鉞以言有敗亂則有鉞誅之形晉灼曰東井  
主水事火入一星居其旁天子且以火敗故曰禍也熒惑入輿  
鬼天質占曰大臣有誅○漢書天文志注作喙爾雅云鳥喙謂  
之柳孫炎云喙朱鳥之口柳其星聚也以注為柳星故主草木  
也正義曰柳八星星一星張六星為鷄火於辰在午皆周之分



野○索隱曰宋均云頸朱鳥頸也員官龍喉也物在龍喉終不  
久留故主急事也○索隱曰索索也爾雅云鳥張喙郭璞云鳥  
受食之處也正義曰張主天厨飲食賞賚觴客○翼二十二星  
軫四星長沙一星轄二星合軫七星皆為鷄尾於辰在巳楚之  
分野翼為天樂府又主夷狄亦主遠客○索隱曰宋均云軫四  
星居中又有二星為左右轄車之象軫與吳同位為風車動行  
疾似之也○正義曰長沙一星在軫中主壽命○天庫一星主  
太白秦也在五車中

索隱曰文耀鉤云西宮白帝其精白虎正義曰咸池三星在五  
車中天潢南魚鳥之所托也○索隱曰元命包云咸池主五穀  
其星五者各有所職咸池言穀生於水含秀含實主秋垂故一  
名五帝車舍言以車載穀而販也正義曰五車五星三柱九星  
在畢東北天子三兵車舍也西北大星曰天庫主太白秦也次  
東北星天獄主辰燕趙也次東曰天倉主歲衛魯也次東南曰  
司空主鎮楚也次西南曰卿主熒惑魏也○索隱曰宋均云火  
早金兵水水不言木土者木土德星於此不為害也○正義曰  
奎十六星婁三星為降婁於辰在戌魯之分野奎天之府庫一  
曰天豕亦曰封豕主溝瀆西南大星所謂天豕王者宗祀不潔



則奎動搖若欲敵有光則近臣謀上之應亦庶人饑饉之厄太白守奎胡貊之憂可以伐之熒惑星主之則有水之憂連以三年填星歲星守之中國之利外國不利可興師動衆斬斷無道○婁三星為苑牧養犧牲以共祭祀○胃三星昴七星畢八星為大梁於辰在酉趙之分野胃主倉廩五穀之府○如淳曰膺積芻藁積為膺也正義曰芻藁六星在苑西主積藁草者○昴七星為髦頭胡星亦為獄事○畢八星曰罕車為邊兵主弋獵其大星曰天高一曰邊將四夷之尉也月宿則多雨○附耳一星屬畢大星之下次天高東南隅主為人主聽得失伺憊過○索隱曰元命包云畢為天階孫炎云畢昴之間日月五星出入要道若津梁正義曰天街三星在畢昴間主國界也街南為華夏之國街北為夷狄之國觜三星參三星外四星為實沈於辰在申魏之分野為白虎形也○孟康曰參三星者白虎宿中西直似稱衡故曰衡石○三星少斜在參間上小下大故曰銳罰亦作伐參伐事主斬艾○晉志曰東北曰左肩主左將西北曰右肩主右將東南曰左足主後將軍西南曰右足主偏將軍故黃帝占參應七將中央三小星曰伐天之都尉也主胡鮮卑戎狄之國故不欲明七將皆明天下兵精也○索隱曰宋均云蘇



守也旅軍旅也○正義曰天厨四星在屏主厨○天矢一星在  
厨南○參旗九星在參西天旗也指麾遠近以從命者王者斬  
伐當理則天旗曲直順理不然則兵動於外○天苑十六星如  
環狀在畢南天子養禽獸之所○九游九星在玉井西南天子  
之兵旗所以導軍進退亦領州列邦搖動則九州分散人民失  
業○狼一星參東南狼為野將主侵掠○弧九星在狼東南天  
之弓也以伐叛懷遠○晉灼曰此地近地也正義曰老人一星  
在弧南一曰南極為人主占壽命延長之應常以秋分之曙見  
於景春分之夕見於下見則國長命天下安寧

北宮

索隱曰文耀鉤云北宮黑帝其精玄武爾雅云玄枵虛也又云  
北陸虛也解者以陸為道慈炎曰陸中也北方之宿中也南斗  
六星牽牛六星並北宮玄武之宿○正義曰虛二星危三星為  
玄枵於辰在子齊之分野虛主死喪哭泣事又為邑居廟堂祭  
祀禱祝之事亦天之冢宰主平理天下覆藏萬物危為宗廟祀  
事主天市架屋○索隱曰宋均云危上一星高旁兩星隋下似  
乎盖屋也正義曰盖屋二星在危南主天子所居宮室之官○  
羽林三十五星三三而聚散在壘辟南天軍也亦天宿衛之兵  
革○壘辟陳十二星橫列在營室南天軍之營壘○北落師門



史言  
一星在羽林西南天軍之門也長安城北落門以象此○危東  
兩兩相比者是司命等星也司空唯一星耳又不在危東恐命  
字誤為空也司命二星在虛北主喪送司祿二星在司命北主  
官司危二星在司祿北主危亡司非二星在危北主憊過皆冥  
司之職○索隱曰元命包云營室十星堦陶精類始立紀綱包  
物為室天下作宮室皆以營室中為正也荊州占云闕道王良  
旗也有六星○元命包云漢中四星曰騎一曰天駟○正義曰  
王良五星在奎北河中天子奉御官也策一星在王良前主天  
子僕或居馬後則為策馬○索隱曰宋均云天潢天津也正義

曰天江四星在尾北主太陰○杵白三星在丈人旁主軍糧○  
匏瓜五星在離珠北天子果園○建六星在斗北臨黃道天之  
都關七斗建之間七耀之道亦主旗輅○牽牛為犧牲亦為關  
梁其北二星一曰即路一曰聚火又上一星主道路次二星主  
關梁○索隱曰孫炎云河鼓之旗十二星正義曰河鼓三星在  
牽牛北主軍鼓蓋天子三將軍中央大星大將軍其南左星左  
將軍其北右星右將軍所以備關梁而拒難也自昔傳牽牛織  
女七月七日相見此星也○須女四星亦發女天少府也南斗  
牽牛須女皆為星紀於辰在丑越之分野而斗牛吳之分野也



須女賤妾之稱婦職之卑者主布帛裁製嫁娶○織女三星在河北天紀東天女也主果蓏絲帛珍寶

物理論云歲行一次謂之歲星晉灼曰太歲在四仲則歲行三宿太歲在四孟四季則歲行二宿二八十六三四十二而行二十八宿十二歲而周天○正義曰歲星者東方木之精蒼帝之象主五穀天文志云春日甲乙四時春也五常仁五事貌也人主仁虧貌失逆時令傷木氣則罰見歲星○索隱曰趨謂促也○漢高帝元年五星皆聚東井天文去云其年歲星在東井四星從而聚也○按爾雅歲在寅為攝提格卯為單閼辰為執徐

巳為大荒落午為敦牂未為叶洽申為涖灘酉為作鄂戌為闔茂亥為大淵獻子為困敦丑為赤奮若○索隱曰降入即歲星正月晨見東方之名其餘准此○天文志開明作啟明○正義曰歲星之精散而為天槍天棓天衝天猾國皇天攬及登天荆真若天猿天垣蒼慧皆以應凶災也

天官占云熒惑方伯象司察妖孽文耀鉤云赤帝熒惑之神為熒惑○徐廣曰熒惑為理外則理兵內則理政正義曰天官志云熒惑為執法之星其行無常以其舍命國為殘賊為疾為喪為飢為兵環繞勾曲芒角動搖乍前乍後其缺逾甚熒惑主死



史記

鎮星

喪大鴻臚之象主甲兵大司馬之象伺驕奢亂孽執法官也其精為風伯或童兒歌謔嬉戲也

索隱曰晉灼云常以甲辰之元始建斗歲鎮一宿二十八歲而周天文耀鉤云鎮黃帝合樞紐之精其體旋璣中宿之分也○楊慎曰白衣會若國哀大臨之事○索隱曰晉灼云歲陽也太白陰也故曰牝牡正義曰星經云金在南木在北名曰牝牡年穀大熟金在北木在南其年或有或無

太白

索隱曰韓詩云太白晨出東方為啟明昏見西方為長庚天官占云太白者西方金之精白帝之子三公大將軍之象天文志云其日庚辛四時秋也五常義也五事言也人主義虧言失逆時令傷金氣罰見太白春見東方以晨秋見西方以夕也○正義曰太白五芒出早為月蝕晚為天矢及彗○索隱曰按上元是古曆之名言用上元紀曆法○孟康云經天謂出東入西出西入東也太白陰星出東當伏東出西當伏西過午為經天又晉灼曰日陽也日出則星沒太白晝見午上為經天也○索隱曰實謂星所合居之宿虛謂羸縮○晉灼曰太白行得度者勝色也○桑榆間行遲而下也○過參天者三分天過其一此在戌酉之間孟康曰對國謂出東入西出西入東也



正義曰天官占云辰星北水之精黑帝之子宰相之祥也亦偏  
將廷尉象也天文志云其日壬癸四時冬也人主虧智失聰逆  
將令傷水氣則罰見辰星○索隱曰宋均云辰星與月同精月  
為大臣先期而出是躁也失則當誅故月蝕者所以為灾祥也  
辰星陰也彗亦陰陰謀未成故晚出也張晏曰彗所以除舊布  
新○按旗蓋太白芒角似旌旗正義曰旗星名有九星○按廣  
雅云辰星謂之兔星則辰星之别名兔或作兔也○蘇林曰械  
容也械劍謂其間可容一劍○索隱曰兔七命謂兔星凡有七  
命命者名也

星經云益州魏地畢嘴參之分

李奇曰白虹屈短屈或為尾韋昭曰短而直

索隱曰按中道房室星之中間也房有四星若人之房三間有  
四表然故曰房南為陽間北為陰間則中道房星之中間也○  
角天門謂月行入角與天門若十月犯之當為來年四月成灾  
十一月則主五月也○四輔房四星也房以輔心故曰四輔○  
正義曰南河三星北河三星若月行北河以陰南河以陽則水  
旱兵喪也○孟康云凡星八月見月中為星蝕月月掩星星滅  
為月蝕星○徐廣曰食大角一云食於大角正義曰大角一星



圖星

昭明

五殘

賊星

史記

在兩攝提間人君之象○索隱曰列星謂月蝕列星二十八宿  
 當其分地有憂也○始日謂蒼始起之日  
 正義曰皇星者去地三大如炬火孟康曰歲星之精散所為也  
 五星之精散為六十四變記不盡  
 索隱曰昭明星赤帝之精象如太白七芒釋名為筆星飛有一  
 枝末銳似筆亦曰日華星  
 孟康云五殘星星表有青氣暈有毛填星之精也正義曰一名五  
 鋒毀敗之徵大臣誅亡之象  
 正義曰賊星形如彗九尺太白之精正義曰大賊星者一名六  
 賊出則福合天下

司危

猷漢

燭星

星

漢

孟康曰星大而有尾兩角熒惑之精也正義曰見則以天子不  
 義失國而豪傑起  
 孟康曰猷漢星一名咸漢青中赤表下有二彗縱橫亦填星之  
 精也  
 孟康曰燭星上有三彗上出亦填星之精○歸邪是有兩赤彗  
 上向上有蓋狀如氣下連星  
 孟康曰火亦星名  
 索隱曰按水生金散氣即水氣孟康曰漢河漢也多少謂漢中



星

天狗

蚩尤

旬始

天精

雲氣

孟康曰天狗星有尾旁有短彗下有如狗形者亦太白之精  
孟康曰蚩尤之旗熒惑之精也呂氏春秋曰其色黃上下白  
徐廣曰旬始蚩尤也

孟康曰天精者明也有赤方氣與青方氣相連赤方中有兩黃  
星青方中一黃星凡三星合為景星正義曰景星狀如半月生  
於晦朔助月為明則明聖之慶也

正義曰崔豹古今注云黃帝與蚩尤戰於涿鹿之野常有五色  
雲氣金枝玉葉止於帝上有花繭之象故因作華蓋也京房易

飛候云視四方常有火雲五色見其下賢人隱也青雲潤蔽日  
在西北為舉賢良也○洛書云有雲象人青衣無孚在日西天  
子之氣故曰人主象○淮南子云土地各以類生人是故山氣  
多勇澤氣多瘡風氣多譁林氣多壁木氣多偃石氣多力險阻  
氣多壽谷氣多痺丘氣多在廟氣多仁陵氣多貪輕土多利足  
重土多遲清水音小濁水音大湍水人重中土多聖人皆象其  
氣皆應其類也○孟康曰狀崩也○索隱曰逢悟謂相逢而驚  
也

正義曰四始者謂正月旦歲之始時日之始月之始也○孟康

每歲



曰魏鮮人姓名○韋昭曰上歲歲大穰也○孟康曰率日食一升者月一日雨民有一升之食二日雨民有二升之食如此至七日而極○先冬至三日縣土炭於衡兩端輕重適均冬至日陽氣至則炭重夏至日陰氣至則土重

正義曰五家黃帝高陽高辛堯舜也○甘公名德本魯人○三五謂三十歲一小變五百歲一大變○米鹽細碎也其語在漢書五行志中○太白狼弧皆西方之星故秦占候也下諸國倣此熒惑鳥衡皆南方星鳥衡柳星也辰星虛危皆北方星歲星房心皆東方星辰星參罰皆北方西方之星○日陽也歲星屬

東方熒惑屬南方填星屬中央皆在南及東為陽也天街二星主畢昴主國界也街南為華夏之國街北為夷狄之國則畢星主陽○月陰也太白屬陰西方辰星屬北方皆為陰也天街星北為夷狄之國則昴星主陰○韋昭曰秦晉西南維之北為陰猶與胡貉引弓之民同故好用兵○星經云太白在北月在南中國敗大白在南月在北中國不敗○更為客主者辰星不出太白為客辰星出太白為主人○索隱曰第即字也○正義曰招搖一星次北斗杓端主胡兵也占角變則兵革大行○正義曰紫宮中宮也房心東宮權衡南宮咸池西宮虛危北宮也○



史記

蒼帝

赤帝

黑帝

天行

索隱曰三五謂三辰五星

索隱曰天門即左右角間也王者行春令德澤被天下則上應靈威仰之帝而天門為之開以發德化

赤帝夏陽主舒散故天庠為之空天牢六星在北斗魁下不對中台

正義曰冬萬物閉藏為之動為之開閉也

索隱曰按天謂北極紫微宮言王者當天心則北辰有光輝是天行德也○三能三台也正義曰三衡者北斗魁四星為璇璣杓三星為玉衡人君之象號令主也又太微天子宮庭也太微

為衡衡主平也為天庭理法平辭理也若有客星出三台三衡之廷必有奇異教令



封禪書註

正義曰秦山上築土為壇以祭天報天之功故曰封泰山下小山上除地報地之功故曰禪○索隱曰服虔云天子水匝為辟雍諸侯水不匝至半為泮宮蓋制度半於辟雍也○索隱曰毛詩傳云赤馬黑鬣曰駢羝牡羊○鄭衆註周禮云下平曰衍○蘇林曰若石質如石也○如淳曰呂后名雉故諱曰野雞○陳寶伏祠磔狗禦蠱俱詳見秦紀○李奇曰梁父梁地山云云山在梁父東○徐廣曰亭亭山在牟陰○索隱曰兵車之會三按左傳魯莊十三年會地杏平宋亂僖四年侵蔡遂伐楚六年伐



鄭圍新城是也○乘車之會六莊十四年會於鄆十五年又會  
鄆十六年盟於幽僖五年會首止八年盟於洮九年會葵丘○  
晉灼曰山下有時如種蒞蒞中各有二土封故云蒞時○應  
劭曰社亡社主亡也○煥丘蚓也黃帝土位故地見其神蚓大  
五六圍長十餘丈○服虔曰事統上法政上法令也○應劭曰  
蒞藉也稽禾藁也去其皮以為席○解道彪齊記云臨菑城南  
有天齋泉五泉並出有異於常言如天之腹臍○索隱曰斗入  
海謂斗絕曲入海也○正義曰括地志註云華嶽本一山當河  
水過而行河神巨靈手盪腳踏開而為兩今腳跡在東首陽下  
手掌在華山呼為仙掌河流於二山之間○服虔曰陳寶節言  
其神應節而來○爾雅云祭星曰布或云諸布者蓋諸布是祭  
星之處述漢書作遂○樂彥引河圖云熒惑星散為昭明○索  
隱曰辟池顧氏以為即瀉池見秦紀今按天子辟池即周天子  
辟雍也○壽星南極星見則天下理安○李奇曰菅茅也○墨  
子云周宣王殺杜伯不以罪後宣王田於圃見杜伯執弓矢射  
宣王伏殺而死故祠之○漢書音義曰禺寄也寄生龍形於木  
也又作木偶之偶禺馬亦然○張晏曰權火烽火也狀若井潔  
臯其法類稱故謂之權欲令光明遠照通祀所也○正義曰檢



榆鄉名○文穎曰巫掌神之位次者范氏世仕於晉故有晉巫  
范會支庶留秦為劉氏故有秦巫劉氏隨魏都大梁故有梁巫  
後徙豐豐屬荆故有荆巫○索隱曰禮樂志有張安世房中歌  
皆謂祭時房中堂上歌先祖之功德○廣雅云東君日也雲中  
楚詞雲中君鄭衆云司命文昌四星也正義曰先炊古炊母之  
神○索隱曰社主即上文三社之主巫保族繫二神名○巫先  
謂古巫之先有靈者蓋巫咸之類也施糜鄭亥謂主施糜粥之  
神○淮南子云九天中央曰鈞天東方曰蒼天東北曰旻天北方  
玄天西北曰幽天西方曰皓天西南曰朱天南方曰炎天東南曰陽天○漢

舊儀云夏則龍星見而始雩龍星左角為天田教人種百穀為  
稷靈者神也辰之神為靈星故以王辰日祠靈星於東南○服  
虔曰十月陰氣在外黑陽氣尚從在地故內赤○張晏曰神朋  
日也日出東方舍謂暘谷日沒於西方墓謂北谷也○索隱曰  
刺六經謂采取也○孟康云兄弟妻相謂先後宛若今媼媪○  
徐廣曰平原君武帝外祖母蔡邕曰異姓婦人以恩澤封者曰  
君儀比長公主○索隱曰淮南子炎帝作火官死為令之竈神  
○深澤侯趙將夜以高祖八年封至元朔五年無後國除○如  
淳曰主方主方藥也○索隱曰武安侯田蚡○韓子云齊景公



與晏子遊於少海登栢寢之臺而望其國○司馬彪續漢書郊祀志云壇有八陛通道以為門○孟康曰集鳥名食毋破鏡數名黃帝欲絕其類使百物祠皆用之破鏡如龜而虎眼○服虔曰冥羊神名○正義曰馬行神名○索隱曰澤山史記作嶧山君地長謂祭地于澤山也○顧氏案地理志云建安有武夷山溪有仙人葬處即漢書所謂武陵君○王夫人漢書作李夫人○樂彥云畫以勝日者謂畫青車以甲乙畫赤車以丙丁畫玄車以以壬癸畫白車以庚辛畫黃車以戊己將有水事則乘黃車故云駕車避惡鬼也○正義曰漢武故事云文成誅月餘使者

籍貨適逢於漕亭遂言之上乃疑發其棺無所見惟有竹筒一枚○索隱曰三輔故事云臺高二十丈用香栢為殿梁香聞十里中建章宮承露盤高三十丈七圍以銅為之有仙人掌承露和玉屑飲之○三輔黃圖云鼎湖宮名在藍田○顏師古云游水姓發根名○璿曰壽宮奉神之宮也○按紀上無酒字為當○徐廣曰樂成侯姓丁名義○論衡云氣勃而毒甚故食走馬肝殺人○萬畢術云取雞血雜磨針鐵擣和磁碁頭置局上自相抵擊也○索隱曰衛子夫之子曰衛太子女曰衛長公主是衛后長女○徐廣曰太主武帝姑○如淳曰日出濟清為晏晏



而溫也○孔文祥云秦帝太昊也○韋昭曰爾雅云鼎絕大謂之龜圖奄上謂之龜○毛詩傳云吳譁也○小顏云谷口中山之谷口去甘泉八十里盛夏凜然故曰寒門○徐廣曰洎一作酒灌於釜中曰洎言既以鹿納牛中以羸納鹿中又以水及酒盡納於釜中也○索隱曰樂彥云特不用牝也小顏云牛羊若羸止一牲故云特○孟康曰璧大六寸謂之瑄○韋昭曰牡剛也以牡荆為柄接交龍為旂一升一降今止畫升龍故曰登龍○應劭曰空侯武帝令樂人候調始造此羸○瓚曰射牛示親殺也○韋昭曰崧高山有太室少室山有石室故名○按

祭后土武紀作然後去○索隱曰新論云武帝出壘印石財有兆朕子侯則沒帝畏惡故殺之○韋昭曰東井秦分後衛太子亂三能三公後連坐誅○索隱曰旗星漢書作填星符瑞圖云旗星之極芒艷如旗○應劭曰萬里沙神祠也○服虔曰瓠子隄名○按勇之越地人名○武紀越人俗下有信字○應劭曰蜚廉神禽能致風氣○伏儼曰高里山名在秦山下○正義曰受計以裁故受計獻之物○索隱曰井榦臺積木為樓言築累萬木轉相交架如井榦○按武紀封臣作封鉅應劭曰黃帝師○凡山一作凡山



*[Faint bleed-through text from the reverse side of the page]*

河渠書註

漢書音義曰廝分也二渠其一出貝丘西南二折者也其一則  
深川索隱曰廝漢書作灑○文穎云鴻溝即今官渡水也蓋為  
二流一南經陽武為官渡水一東經大梁城即河溝今之汴河  
是也○索隱曰三江按地里志北江從會稽毗陵縣北東入海  
中江從丹陽蕪湖縣東北至會稽陽羨縣東入海南江從會稽  
吳縣南東入海故禹貢有北江中江也○漢書云蜀守冰姓李  
○風俗通云秦昭王使李冰為蜀守開成都縣兩江溉田萬頃  
神須取女二人以為婦冰自以為女與神婚徑至祠勸神酒酒



杯澹澹因厲聲責之因忽不見良久有兩蒼牛闐於江峰有間  
輒還流江謂官屬曰吾聞疲極不當相助耶南向腰中正白者  
吾綬也主簿刺殺北面者江神遂死華陽國志云蜀時濯錦流  
江中則鮮明○正義曰括地志云漳水一名蜀漳水源出潞州  
長子縣西力黃山鄴相州之縣也○徐廣曰中作謂用功中道  
而事未竟○溝洫志鄭國曰臣為韓延數歲之命為秦建萬世  
之功○小顏云表者巡行穿渠之處而表記之若今監標表非  
人名也○韋昭曰壩謂緣河邊地○索隱曰稍入者其田既薄  
越人習水利故與之而稍少其稅入之於少府○按無限謂無  
阻隔也○徐廣曰柏猶迫也冬日行天邊若與水相連矣○張  
晏曰蓄桑地名○如淳曰茨草也一曰竿也○薪不屬謂旱燒  
故薪不足



平準書註  
索隱曰鈞駟鈞色之駟馬○按古今註云秦錢半兩徑一二分  
重十二銖榆筴錢重三銖錢譜云文為漢興也○瓚曰秦以一  
鎰為一金漢以一斤為一金○漢書食貨志云文帝用晁錯言  
令人入粟邊六百石爵上造稍增至四千石為五大夫萬二千  
石為大庶長各以多少為差○如淳曰居官為姓號如倉氏庾  
氏也○索隱曰彭吳人姓名○漢書音義曰鐘六石四斗○應  
劭曰臨朐屬熒熒屬捷為○瓚曰茂陵中有武功爵一級曰造  
士二級曰閑輿衛三級曰良士四級曰元戎士五級曰官首六

平準書註

索隱曰鈞駟鈞色之駟馬○按古今註云秦錢半兩徑一二分  
重十二銖榆筴錢重三銖錢譜云文為漢興也○瓚曰秦以一  
鎰為一金漢以一斤為一金○漢書食貨志云文帝用晁錯言  
令人入粟邊六百石爵上造稍增至四千石為五大夫萬二千  
石為大庶長各以多少為差○如淳曰居官為姓號如倉氏庾  
氏也○索隱曰彭吳人姓名○漢書音義曰鐘六石四斗○應  
劭曰臨朐屬熒熒屬捷為○瓚曰茂陵中有武功爵一級曰造  
士二級曰閑輿衛三級曰良士四級曰元戎士五級曰官首六



級曰秉鐸七級曰千夫八級曰樂卿九級曰執戎十級曰左庶長十一級曰軍衛此武帝所制以寵軍功顧氏按或解云一金萬錢也初一級十七萬自此以上每級加二萬至十七級合成三十七萬○官首武功爵第五也位稍高故得試為吏先除用○千夫武功十一等爵第七五大夫舊二十等爵第九言千夫爵秩比於五大夫故楊僕以千夫為吏殆謂此○漢書音義曰樂卿者朝位從九卿加樂者別正卿又十九爵為樂公食公卿祿而無職○張晏曰吏見知不舉劾為故縱○索隱曰廢格天子之命而不行及沮敗誹謗之者皆被窮治○其明年元狩元年也○徐廣曰觀縣名○其明年元狩四年○瓚曰秦逐匈奴以收河南地徙民以實之謂之新秦○徐廣曰廢居貯畜之名有所廢有所畜乘時射利也○漢書音義曰赤金赤陽銅○索隱曰易云行天莫如龍行地莫如馬禮云諸侯以龜為寶○顧氏按錢譜云白選其文為龍形隱起肉好皆圓文又作雲霞之象○爾雅注云攬者狹長也○索隱曰東郭姓咸陽名○韋昭云少府天子私所給賜經用者○如淳曰牢廩食也古者名廩為牢也盆煮鹽盆蘇林云牢價直也今世人言催手牢盆○索隱曰非農工之儔故言奇民○韋昭曰鈇以鐵為之著左趾以



代刑也○鄧展曰小鐵官鑄故鐵也○李斐曰緡絲也以貫錢也○郭璞曰占自隱度也謂各自隱度其財物多少為文簿送之官○如淳曰非吏而得與吏比者官謂三老北邊騎士也樓船令邊郡選富者為車騎士○漢書音義曰外絲謂戍邊也一人出三百錢式歲得十二萬錢也一說在絲役之外得復除四百人○孟康曰均輸謂諸當輸于官者皆令輸其土地所饒平其所在時價官更於他處賣之輸者既便而官有利漢書百官表大司農屬官有均輸令○如淳曰赤側以赤銅為其郭也○按元鼎二年初置掌上林苑屬官有上林均輸鐘官辨銅令此上林三官也○瓚曰商賈居積及伎巧之家非農桑所生亦謂之緡茂陵中書有緡田奴婢是也○所忠人姓名○索隱曰先至之人令之相引似若得其株木則枝葉自窮故曰株送徒○瓚曰既無亭候又不徵循無衛邊之備也○李奇曰除告緡謂當出緡筭者皆復之○如淳曰省金者視諸侯金輕重○漢儀注云王子為侯侯歲以戶口耐黃金於漢廟皇帝臨受獻金以助祭大祀日飲耐飲耐受金金少不如斤兩色惡王削縣侯免國○索隱曰餽費產載之費索隱曰錢本名泉言貨之流如泉也故周有泉府之官及景王



乃鑄天錢布泉者言貨流布故周禮有三夫之布食貨志貨布  
長二五分首長八分足枝長八分刀者錢也食貨志有契刀  
錯刀契刀長二寸直五百錯刀以黃金錯直五千以其形如刀  
故曰刀以其利於人也又古者貨貝寶龜食貨志有十朋五貝  
皆用為貨貝各有多少兩貝為朋故直二百一十六元龜十朋  
故直二千一百六十已下各有差

### 吳世家註

按吳之封域在禹貢揚州三江震澤之野後稱王跨距江淮之  
地○韋昭曰武王追封為吳伯故曰吳太伯○正義曰太伯居  
梅里在常州無錫東南至二十一代孫光築闔閭城居之今蘇  
州也○索隱曰荆者楚之舊號以州而言之此言自號句吳吳  
名起於太伯地在楚越之界故稱荆蠻○顏師古注吳言句者  
夷之發聲○左傳太伯虞仲太王之昭則虞仲是太王之子又  
論語稱虞仲隱居放言是仲雍稱虞仲今周章之弟亦稱虞仲  
蓋周章之弟字仲始封於虞故曰虞仲則仲雍本是仲而為吳



之始祖後代亦稱虞仲祖與孫同號也○自壽夢已下始有其  
年計壽夢二年當成公七年○杜預曰衡山吳興烏程縣南○  
索隱曰左傳曹宣公卒於師曹人使公子負芻守使公子欣時  
逆喪負芻殺其太子而自立傳云會於戚討曹成公也諸侯將  
見子臧於王而立之子臧曰為君非吾節也逃奔宋杜預云負  
芻成公也欣時子臧也○地理志云會稽毗陵縣季札所居○  
吳地記曰朱方秦改名丹徒○服虔曰周樂魯所受四代之樂  
也○杜預曰邶鄘衛武王伐紂分其地為三監三監叛周公滅  
之并三監之地更封康叔故三國畫被康叔之化○杜預曰秦  
仲始有車馬禮樂而有諸夏之聲及襄公佐周平王東遷而受  
其地故曰周之舊○服虔曰鄘以下及曹風也國小無所刺謗  
○杜預曰頌有殷魯故曰盛德之所同○賈逵曰象文王樂武  
象也蒯舞曲也南籥以籥舞也○正義曰魯昭公八年樂施高  
彊作難舍於宿左傳曰將宿於戚索隱曰戚衛邑孫文子舊所  
食也服虔曰鐘磬孫文子鼓鐘作樂辯也賈逵曰獲罪出  
獻公以戚叛也君在殯言衛君獻公棺未葬○賈逵曰蓋餘燭  
庸皆吳王僚弟○索隱曰鉞兩刀小刀○七首短劍○有過寒  
浞之子澆所封國○賈逵曰斟灌斟尋夏同姓○緜有仍之姓



○方十里為一成○周禮五合諸侯享禮十有二牢上公九牢  
侯伯七牢子男五牢○駟左傳作駟○服虔曰顛越無道則割  
絕無遺

齊世家註

按齊都臨淄在青州禹貢岱山之陰維淄之野○譙周曰呂望  
名牙伯夷之後索隱曰牙是字尚是其名○譙周曰呂望常屠  
牛於朝歌賣飯於孟津○呂氏春秋云太公釣於茲泉遇文王  
酈元云磻溪中有泉謂之茲泉積水為陣即太公釣處○劉向  
別錄曰師之尚之父之故曰師尚父○馬融曰蒼兕主舟楫官  
名王充云蒼兕水獸九節令誓衆令急濟故言蒼兕以懼之○  
索隱曰淮南有故穆陵門無榭在遼西孤竹蓋言其征伐所至  
之域○杜預曰五侯五等諸侯九伯九州之伯○括地志云薄



姑在青州博昌縣東北○公羊傳曰拉殺擗幹而殺之○服虔曰瓜時七月及瓜謂後年瓜時○王肅曰間襄公候公之間隙○正義曰第主履者也○杜預曰乾時齊地○賈逵曰笙瀆魯地堂阜魯北境○國語曰管子制國五家為軌十軌為里四里為連十連為鄉以為軍令○杜預曰柯今濟北東阿邑○甄衛地○杜預曰履所踐履之界○賈逵曰包茅菁茅包匭之也以供祭祀○服虔曰周招王南巡狩涉漢船解而溺杜預曰時漢非楚境故不受罪○賈逵曰大路諸侯朝服之車謂之金路○正義曰大夏并州晉陽○易牙即雍巫也開方衛公子○賈逵

曰宋華子宋華氏之女子姓○服虔曰魯僖十九年諸侯盟於齊以無忘桓公之德宋襄公欲行霸道不與盟故伐之○賈逵曰王子城父齊大夫○索隱曰靡笄山名在濟南○服虔曰葦齊地○賈逵曰逢丑父齊大夫○杜預曰桐叔蕭君之字齊侯外祖父子女也難斥言其母故遠言之○索隱曰壘畝東行則晉車馬東向濟行易○賈逵曰遂東太子光從之東乘也○孟門太行皆晉山隘○朝歌晉邑○棠公齊棠邑大夫○杜預曰不知二命言受崔子命討之不知他命也○賈逵曰盧蒲葵齊大夫○服虔曰慶舍慶封子○賈逵曰千社二十五家為一社





○杜預曰惠子國夏也。昭子高張也。○賈逵曰圍晏嬰之子。○何休曰齊俗婦人首祭事言魚豆者示薄劣也。○杜預曰魴侯季康子叔父。○服虔曰賴齊邑年表云簡公壬者景公之子。○賈逵曰闞止子我也。○索隱曰缺名為漢御官亦田氏族。○服虔曰子我夕夕者事也。○杜預曰田逆子行也。陳氏宗。○服虔曰子我恐為陳氏所怨故與盟而請和。○賈逵曰豹陳氏族公孫齊大夫。○杜預曰帷聽政之處。○服虔曰成子兄弟見子我出遂突入反閉門。○太史子餘齊大夫。○服虔曰宮中之門曰闈。○賈逵曰豐丘陳氏邑。○服虔曰子方子我黨東郭賈也。○杜預曰雍門齊城門。○服虔曰何以見魯衛子方將欲奔魯衛也。○田會齊大夫。



魯世家註

按魯在禹貢徐州岱山之陽蒙羽大野之野○譙周曰以太王所居周地為其采邑故謂周公○索隱曰有負子之責於天謂三王負上天之責○孔安國曰屏璧與圭言不得事神○書占兆書也○馬融曰周鎬京也豐文王廟所在鄭玄曰豐鎬異邑而言步者告廟出入不以為遠為父恭也○禮記曰周公朝諸侯於明堂之位天子負斧依南面而立鄭玄曰負之為言倍也○索隱曰周公奔楚經典無文其事或別有所出○孔安國曰高宗久居民間與小人出入同事○馬融曰祖甲武丁子有兄



祖庚而祖甲賢武丁欲立之祖甲以王廢長立少不義逃亡民  
間故曰不義惟王久為小人○正義曰牝牛馬牢也無傷其牢  
恐牛馬逸風走逸也○王肅曰邑外曰郊郊外曰隧不言四者  
東郊留守故言三也○孔安國曰儲峙爾糧使足食多積芻芡  
供軍牛馬○馬融曰楨榦皆築具楨在前榦在兩傍○第一作  
第宋忠曰闕門今魯國○韋昭曰穆仲仲山父之謚○夷宮者  
宣王祖父夷王之廟古者命爵必於祖廟○隱公系本名息姑  
○穀梁傳曰禘者鄭伯之所受命於天子而祭太山之邑也許  
田乃魯之朝宿之邑天子在上諸侯不得以地相與○公子揮

左傳作翬○服虔曰菟裘魯邑○賈逵曰鍾巫祭名○服虔曰  
為氏魯大夫○糜信曰鄭以禘不足當許田故復加璧○賈逵  
曰申繻魯大夫○黨氏魯大夫任姓孟女黨氏女○杜預曰梁  
氏魯大夫○服虔曰圉人掌養馬者犖其名也○杜預曰鍼巫  
氏魯大夫○賈逵曰卜齋魯大夫宮中之門曰闈○兩社周社  
亳社也兩社之間朝廷執政之臣所在○服虔曰鹹魯地○富  
父終甥魯大夫春猶衝也○賈逵曰子駒魯郭門名○服虔曰  
宣伯叔孫得臣子喬如也得臣獲長翟喬如以名其子使後世  
旌識其功○鄭瞻長翟國名○長丘宋地○賈逵曰緣斯喬如



之祖○晉滅路在魯宣十五年○服虔曰襄仲公子遂○叔仲  
 惠伯○歸父襄仲之子○韋昭曰魯舊有三軍其後削弱二軍  
 而已季武子為三軍三家各征其一○服虔曰胡歸姓之國齊  
 謚也○周禮曰鸛鶴不踰濟公羊傳曰非中國之禽宜穴而巢  
 ○賈逵曰師已魯大夫○杜預曰季平子邠昭伯二家相近故  
 鬪鷄索隱曰魯孝公之後稱邠氏○服虔曰擣芥子播其雞羽  
 可以至邠氏雞目○金距以金鑄距○賈逵曰臧昭伯臧孫賜  
 也○索隱曰子家駒仲孫氏之族謚懿伯○賈逵曰申豐汝賈  
 魯大夫○索隱曰子將即梁丘據叔孫昭子即穆叔子○杜預  
 曰乾侯晉境內邑○服虔曰大夫稱主比公於大夫故稱主君  
 ○史墨晉史名墨○東門遂襄仲也居東門故○陽關魯邑○  
 杜預曰陘氏即有山氏○文公系本作潞公  
 徐廣曰斷斷東州語也蓋幼者患苦長者長者愈媿自守故斷  
 斷爭辭所以為道衰也



燕世家註

按燕在禹貢冀州東北周官職方屬幽州地○索隱曰召者畿  
 內采地奭始食於召故曰召公至宣王時召康公虎其後也○  
 宋忠曰有南燕故曰北燕○何休曰陝今弘農陝縣○馬融曰  
 召公以周公既攝政致太半配文武不宜復列在臣位故不說  
 以為周公苟貪寵也○索隱曰鄭侯謚法無鄭鄭或是名○譙  
 周曰按春秋傳燕與子頽逐周惠王者乃南燕媯姓也○古史  
 考曰燕自宣侯已上皆父子相傳故無所疑桓侯已下並不言  
 屬以其難明也○索隱曰姬宋宋其名也或作宗○燕君初以



十年稱王上言易王者後追書謚耳○鹿毛壽春秋後語作厝  
毛壽○啟人為吏謂以啟臣為益吏也○效呈也○顧猶反也  
○章子齊人見孟子五都即齊也○北地齊之北邊○徐廣曰  
宋子屬鉅鹿○繁陽屬魏郡○武遂屬河間○方城屬涿○索  
隱曰地理志督亢之田在燕東甚良沃

管蔡世家註

列女傳云太姒者禹後姒氏之女也在郟之陽在渭之涘仁而  
明道文王親迎於渭太姒朝夕勤勞以進婦道號曰文母生十  
男教誨自少至長未嘗見邪僻之事○丹國名也以載最少故  
言季載○徐廣曰文王之子為侯者十有六國○杜預曰管在  
滎陽京縣東北○蔡居上蔡○按蔡在禹貢豫州東南汝潁之  
間○杜預曰息國汝南新息縣○宋忠曰平侯徙下蔡○杜預  
曰沈在汝南平輿縣○索隱曰州來在淮南下蔡縣○賊利利  
賊之名



按曹伯爵都濟陰在禹貢兗州陶丘之東北雷夏荷澤之野○  
韋昭曰駢者并幹也○正義曰釐負羈曹大夫○宣公彊左傳  
宣公名廬○晉厲公執負芻歸於京師詳見吳世家○索隱曰  
按系本及春秋悼伯卒弟露立謚靖公無聲公隱公譙周云春  
秋無其事○鄭衆曰社宮社也又曰社宮中有室屋者○索隱  
曰干宋謂祀宋

陳杞世家註

按陳都宛丘在禹貢豫州之東○索隱曰商均所封虞即今之  
梁國虞城夏代對虞思虞遂○左傳虞遏父為周陶正以服事  
武王遏父生媯滿武王以元女大姬配胡公而封之陳以備三  
恪○按春秋經傳佗與五父為一人厲公躍無利公○賈逵曰  
坤下巽上觀坤下乾上否觀爻在六四變而之否正義曰六四  
變內卦為本國外卦為異國內卦為身外卦為子孫六四變此  
爻是辛未觀上體巽未為羊巽為女女乘羊故為姜姜齊姓故  
知在齊姜姓之先為堯幽嶽也○列女傳云夏姬三為王后七



為夫人公侯爭之莫不迷惑失意○楚靈王殺陳使者索隱曰  
即司徒招也○服虔曰陳祖虞舜舜出顓頊故為顓頊之族○  
鄭衆曰幕舜之先也○杜預曰殷興存舜之後而封遂胡公滿  
遂之後也○系本云胡歸姓沈姬姓沈國在汝南平輿胡亦在  
汝南○按孔子世家凡再適陳非居陳八年也

按杞都雍丘屬禹貢豫州○索隱曰東樓公謚號不名者史先  
失耳宋忠曰杞至春秋時遷東國故左傳云莒人伐杞取牟婁  
牟婁東邑也○索隱曰英六或作蓼六杜預曰英六皆臯陶後  
國名是有英蓼或者英改號蓼○索隱曰伯翳解者以翳益為

一人今又別言垂益則是二人也然據秦本紀敘翳之功佐舜  
馴調鳥獸云云文同則為一人必矣○滕不知本封蓋軒轅氏  
之子有滕姓是其祖也後周封文王子錯叔繡於滕故宋忠云  
今沛國公丘是滕國也薛奚仲之後任姓蓋夏殷所封邾曹姓  
之國陸終氏之子會人之後邾國今魯國臨縣是也○江黃二  
國並嬴姓



衛世家註

按衛都朝歌其封域在禹貢冀州大行之東北踰衛漳東及兗州桑土之野○索隱曰康畿內國名宋忠曰康叔從康徙衛○索隱曰集和也○時周公相成王營洛邑猶居西周鎬京管蔡欲搆難先攻成周於是周公東居洛邑伐之○左傳曰分康叔以大路大旂少帛績芻旃旌大呂○系本康伯名髡宋忠曰即王孫牟○索隱曰康誥稱命爾侯於東土則康叔初封已為侯也子康伯稱伯者謂方伯之伯耳非即降爵為伯也至頃侯德衰不監諸侯乃從本爵稱侯○羨墓道○和殺共伯代立此說



蓋非也按季札美康叔武公之德又國語稱武公年九十五猶  
 歲戒於國恭恪於朝作抑自傲至於沒身謂之獻聖又詩著衛  
 世子恭伯蚤卒不云被殺若武公殺兒而代立豈可以為訓蓋  
 史公採雜說而為此記耳○賈逵曰石碣衛上卿○服虔曰右  
 宰醜衛大夫○賈逵曰邢周公之胤姬姓國○杜預曰左右公  
 子左右滕之子因以為號○索隱曰衛君瑕是元咺所立者成  
 公入而殺之此言奔非也○所歌齊系家作丙戎蓋邴獸掌御  
 戎車故○服虔曰孫文子林父甯惠子殖○宿左傳作戚文子  
 子即孫蒯也○服虔曰孔成子衛卿孔烝鉏○服虔曰哀經為

若從衛來迎太子也○二人謂良夫太子為婦人之服以中蒙  
 其頭而共乘○賈逵曰介被甲也輿假豚欲以盟也○服虔曰  
 劫以登臺於衛臺上召衛群臣○季路為孔氏邑宰故告之○  
 召護衛大夫駕乘車不駕兵車言無距父之意○服虔曰公孫  
 敢衛大夫○王肅曰必或繼之言必有繼續其後攻太子○服  
 虔曰石乞孟厲二子蒯瞶之臣○索隱曰左傳莊公本繇晉趙  
 氏納之立而背晉晉伐衛衛人出莊公立公子般師晉師退莊  
 公復入般師出奔初公登城見戎州已氏之妻髮美髡之以為  
 夫人髡又欲剪戎州兼逐石圃故石圃攻莊公莊公懼踰北墻





折股入己氏己氏殺之今系家不言莊公復入及死己氏直云  
出奔亦其疎也○斑歸襄公孫○公子起靈公子○石曼專左  
傳作石圃穀梁作曼姑○成侯邀系本作不逝按上穆公己名  
邀則系本是也

宋微子世家註

按宋公爵都商丘其封域在禹貢徐州泗濱西及豫孟諸之野  
○孔安國曰微畿內國名子爵○索隱曰微子啟今名開者避  
景帝諱○孔安國曰太師箕子少師比干○遂陳于上言湯遂  
其功陳力於上世○馬融曰師師非度轉相師效為非法度○  
典喪尚書典作淪○王肅曰無故告無意告我是微子求教誨  
也○孔安國曰毋畏畏上不畏天蒿下不畏賢人○鄭玄曰少  
師不答志在必死○馬融曰箕國名子爵○陳仁錫曰按肉袒  
面縛索隱曰袒而露肉縛手於背也微子非亡國之君何為面



縛膝行以降乎且既縛手於背又馬得牽羊把茅也○孔安國  
曰常倫所序謂天所以定民之常道理次序○馬融曰金從革  
金之性從人而更可銷鑠○聰作謀上聰則下進其謀○鄭玄  
曰賓掌諸侯朝覲之官○師掌軍旅之官○孔安國曰皇極大  
中之道大立其有中謂行九疇之義也○不離於咎雖不合於  
中而不罹於咎惡皆可進用○而安而色謂汝當安汝顏色以  
謙下人○毋好尚書作無好德○孔安國曰世彊禦不順以剝  
治之○內友書作燮友○世以順以柔治之○龜曰卜著曰筮  
○涕尚書作驛○霧當作蒙○鄭玄曰兆卦之名凡七龜用五

易用二雨者兆之體氣如雨然濟者如雨止之雲氣在上者也  
圍者色澤而光明霧者氣不釋鬱冥冥也克者如殺氣之色相  
紀內卦曰貞外卦曰悔卦象多變故言衍賁○孔安國曰雨以  
潤物暘以乾物煖以長物寒以成物風以動物五者各以時所  
以為衆驗○一者備極過甚則凶一者極無不至亦凶謂不時  
失敘也○敘美行之驗君行敬則雨順之君政治則暘順之君  
昭哲則煖順之君能謀則寒順之君能通理則風順之○尚書  
書作者○馬融曰王者所書職如歲兼四時也○孔安國曰鄉  
士各有所掌如月之有別師尹衆正官之吏分治其職如日之



有歲月也星民象○禹融曰箕星好風畢星好雨孔安國曰月  
 經於箕則多風離於畢則多雨政教失常以從民欲亦所以亂  
 ○考終命各成其短長之命以自終不橫夭○鄭玄曰未亂曰  
 凶未冠曰短未婚曰折○微子嫡子死立其弟衍禮記曰微子  
 舍其孫臚而立衍也○杜預曰乘丘魯地○賈逵曰南宮氏萬  
 名宋鄉○索隱曰按左傳賈石於宋五賈星也六鷓退飛過宋  
 都是時訪內史叔興曰吉凶焉在對曰君將得諸侯而不終也  
 賈逵曰風起於遠至宋都高而疾故鷓逢風却退○杜預曰鹿  
 上孟皆宋地○成公卒年表云公孫固殺成公○魯世家云宋  
 武公之世獲緣斯於長丘今云此時未詳○服虔曰哀公夫人  
 周襄王之姊王姬也○正義曰華元華督之曾孫也公子鮑因  
 請得為右師○左傳曰其御羊斟也



晉世家註  
按晉封唐後都晉陽其封域在禹貢冀州太行恒山之西太原  
太山之野○叔虞母邑姜武王后齊太公女○括地志云故唐  
城在并州晉陽縣北城記云堯築也毛詩譜云叔虞子燮父以  
堯墟南有晉水改為晉侯○索隱曰曲沃河東縣名翼在平陽  
絳邑東○賈逵曰陘廷翼南鄙邑○韓萬曲沃莊伯弟○馬融  
曰周武王封異母弟虢仲于夏陽○索隱曰晉有兩穆侯故言  
先以別後○賈逵曰士為晉大夫○聚晉邑○左傳曰王使虢  
公命曲沃伯以一軍為晉侯今始為二軍○服虔曰邑有先君

晉世家註

按晉封唐後都晉陽其封域在禹貢冀州太行恒山之西太原  
太山之野○叔虞母邑姜武王后齊太公女○括地志云故唐  
城在并州晉陽縣北城記云堯築也毛詩譜云叔虞子燮父以  
堯墟南有晉水改為晉侯○索隱曰曲沃河東縣名翼在平陽  
絳邑東○賈逵曰陘廷翼南鄙邑○韓萬曲沃莊伯弟○馬融  
曰周武王封異母弟虢仲于夏陽○索隱曰晉有兩穆侯故言  
先以別後○賈逵曰士為晉大夫○聚晉邑○左傳曰王使虢  
公命曲沃伯以一軍為晉侯今始為二軍○服虔曰邑有先君



之主曰都城○賈逵曰位以卿謂將下軍○服虔曰先為之極  
言其祿位極盡於此○賈逵曰卜偃晉掌卜大夫郭偃○辛廖  
晉大夫○東山赤狄別種○杜預曰偏衣左右異色其半似公  
服也○居二日傳云六日○韋昭曰新城即曲沃新為太子城  
○服虔曰蒙茸亂貌○杜預曰穆姬獻公女送女曰滕○服虔  
曰鬻桑翟地○悼子左傳作卓子○呂省左傳作呂甥杜預曰  
姓瑕呂名飴生○正義曰卻芮即冀芮○服虔曰下國晉所滅  
國以為下邑○杜預曰遇申生忽如夢而相見○韋昭曰七輿  
申生下軍之衆大夫也○服虔曰號射惠公舅○索隱曰馬驚  
謂馬重而陷于泥○服虔曰輅迎也○正義曰樂卻樂枝却穀  
之屬○索隱曰履鞮即勃鞮亦曰寺人披也○賈逵曰咎如赤  
狄之別隗姓○索隱曰犂猶比也○杜預曰五鹿衛地○服虔  
曰其主殺侍者懼孝公怒故殺之以滅口○服虔曰司空季子  
曰季也○韋昭曰廬柳晉地○賈逵曰武宮武公廟○王肅曰  
作三軍始復成國之禮半周軍也○杜預曰欽孟衛地○得臣  
即子玉○杜預曰衡雍踐土皆衛地○服虔曰既敗楚師襄王  
自往臨踐土賜命晉侯晉侯聞而為之作宮○賈逵曰彤弓赤  
旅弓黑柎黑黍鬯香酒所以降神貞器名○天子辛曰虎賁○



索隱曰尚書文侯之命是平王命晉文侯仇之語今此乃是襄  
王命文公重耳之事系家頗時有疎謬○父義和謂父能以義  
和我諸侯○服虔曰王庭即踐土王宮○賈逵曰樂貞子樂枝  
也霍伯先且居也○服虔曰二君懷公文公也○杜預曰扈鄭地  
○索隱曰示昧明左傳作提彌明○中行桓子荀林父也○蕭  
桐姪子左傳作叔子○賈逵曰初作六卿僭王也○索隱曰荀  
騶荀文子○賈逵曰三郤郤錡郤犢郤至○伯宗晉大夫○匡  
驪氏晉外嬖大夫○杜預曰一乘車言不以君禮葬也諸侯葬  
車七乘○索隱曰毋幾無望也○樂逞左傳作樂盈○韓趙魏

范中行及知氏為六卿○中行寅荀偃之孫范吉射范鞅子



楚世家註

按楚封域在禹貢荊州江漢之間雲夢之野後稱王并有吳越之地○虞翻曰昆吾名樊為己姓封昆吾世本曰昆吾者衛是也參胡者韓是也虞翻曰彭祖名剪為彭姓封於大彭世本曰彭城是也系本云錢鏗是為彭祖神仙傳云彭祖至殷末年已七百六十七歲而不衰老遂徃流沙之西世本曰會人者鄭是也曹姓者邾是也○徐廣曰丹陽在南郡枝江縣○張瑩曰句亶今江陵也索隱曰楚文王自丹陽徙都之○徐廣曰熊毋康即渠之長子○括地志云郢在江陵縣東北○夔楚熊渠之孫



○杜預曰踏熊掌難熟冀久將有外救也○正義曰凡戟有鈎喙鈎口之尖也○若敖氏左傳曰子越椒○賈逵曰皇門鄭城門○杜預曰潘阝楚大夫子良鄭伯弟○左傳宣十四年楚子使申舟聘於齊曰無假道於宋華元曰過我而不假道鄙我也鄙我亡也殺其使者必伐我伐我亦亡也亡一也乃殺之○按左傳析父對是右尹子革之詞○服虔曰華露柴車素大輅也藍萋言衣微壞其萋藍藍然也草行曰跋水行曰涉桃弧棘矢言楚地山林無所出也○昆吾魯居許地故曰舊許○右尹子革也○韋昭曰銷人今之中涓○服虔曰申無宇斷王旌執人於章華之臺故曰再犯王命○杜預曰司馬謂弃疾○賈逵曰卜尹大夫官○正義曰與巴姬埋璧左傳云埋璧於太室之庭杜預曰太室祖廟也○有人無主謂無內主為應○子常左傳云囊瓦○按昭三十年吳二公子奔楚掩餘燭庸也此言三公子非○服虔曰鄖公弟父曼成然○賈逵曰唐姬姓之國○杜預曰高府楚別府○呂靜曰鷲野鳥索隱曰騏小雁也○小鳧有青首者○徐廣曰績縈也以石傳弋繳曰澹○索隱曰蜀大鳥之有鈎喙者○括地志云沮丘在青州臨淄縣西北○索隱曰午道當在齊西界一從一橫為午道○正義曰周地雖小諸



侯尊之故敵二十晉○厚三川厚韓也○索隱曰三翻六翼謂九鼎

越世家註

按越封域在海濱禹貢揚州蕞服之地○吳越春秋云禹周行天下還歸太越登茅山以朝四方群臣崩而葬焉至少康恐禹迹宗廟祭祀之絕乃封其庶子於越號曰無餘○正義曰輿地志云越王傳國三十餘葉歷殷至周敬王時允常拓土始大稱王春秋貶為子○二十餘世當作三十○會稽興錄云范蠡字少伯楚宛三戶人○韋昭曰與天法天也天道盈而不溢○索隱曰以地國語作與地言地能財成萬物人主宜節用以法地○正義曰大夫種姓文字禽○索隱曰拓稽國語作諸稽郢○



逢姓同名○吳伐齊在魯哀十一年虜齊國惠子高昭子○習  
流使流放之人習戰或曰慣習浮水者○韋昭曰君子王所親  
近者虞翻曰言君養之如子○索隱曰諸御謂諸在軍有職掌  
者○正義曰葉陽翟二邑此時屬韓陳上蔡二邑此時屬魏皆  
與楚犬牙交境韓魏若伐楚恐二邑為楚所危○索隱曰常鄉  
二邑皆齊之南地索隱曰商於析郟宋胡四邑並屬南陽楚之  
西南○夏路以左謂楚適諸夏路出方城人向北行以西為左  
○索隱曰復發語犇隴長沙三邑竟澤陵當為竟陵澤楚有  
七澤蓋其一也○賈逵說云三錢之府虞夏商周金幣三等或  
赤或白或黃按王且赦常封三錢府者錢幣至重慮人或逆知  
有赦盜竊之所以封也



鄭世家註

按鄭都滎陽其封域在禹貢豫州洛濟潁河之間食溱洧焉○  
索隱曰至鄭武公東徙新鄭之後其舊鄭改為縣○虞翻曰太  
史伯周太史○索隱曰鄆妘姓之國○虞翻曰十邑謂虢鄆鄆  
殺補丹依滎歷華也韋昭曰後武公竟取十邑地而居之今河  
南新鄭也○祊鄭所受助祭太山之湯沐邑許田近許之田魯  
朝宿之邑鄭以天子不能巡狩故以祊易許田各從其近○索  
隱曰祝瞻左氏作祝聃○賈逵曰雍氏黃帝之孫妘姓之後服  
虔曰為宋正卿故有寵○索隱曰伯父原左傳謂之原繁○賈逵



曰姑南燕姓○伯黨南燕祖○子家子公二子鄭卿○服虔曰  
食指第二指○賈逵曰后帝弗臧后帝堯也○杜預曰商丘宋  
地○服虔曰辰大火主祀也○商人契之先湯之始祖○大夏  
在汾澮之間主祀參星○賈逵曰唐人謂陶唐氏之胤○服虔  
曰玄冥水官也師長也允格臺駘兄弟也○汾洮二水名○帝  
用嘉之帝謂顓頊○賈逵曰沈如薦黃四國臺駘之後○服虔  
曰崇為營攢用幣也

趙世家註

按趙分晉河北地都邯鄲○山海經云夸父之山北有桃林多  
馬○徐偃王解見秦紀○索隱曰左傳云哀趙夙弟而此云共  
孟生誤○系本云景叔名成○韋昭曰董安于簡子家臣○正  
義曰嬴趙姓也周人謂衛也川阜曰魁趙成侯三年取衛都鄆  
七十三是也○索隱曰孟姚即吳廣之女舜之後也七世孫武  
靈王也○簡子見當道者乃寤是前夢所見者知其名曰子晰  
○正義曰皆其祖謂范氏中行氏之祖○克二國謂代及智氏  
○司馬彪曰姑布姓子卿字○正義曰士會食邑於范因為范



氏荀偃將中軍為中行因為中行氏○服虔曰往年趙鞅圍衛  
衛人貢五百家置之邯鄲今欲更徙於晉陽○杜預曰午趙鞅  
同族別封邯鄲○服虔曰稷午之子涉賓午家臣○左傳曰籍  
秦為上軍將軍○午荀寅之甥荀范吉射之姻○賈逵曰梁嬰  
父晉大夫○張虔曰臯繹范氏之側室子○荀躒智文子○不  
佞韓簡子哆魏簡子○正義曰簡子在黃池之役與吳王質言  
曰好惡同之故襄子滅祭饌及問吳王也○料取斟水器○晉  
別謂韓魏之邑○黑姑戎國○張孟同戰國策作張孟談史遷  
父名談故諱之○索隱曰趙中年在河北非鄭之中年○中山

古鮮虞國姬姓也○地理志上黨有長子縣○徐廣曰與韓分  
周在顯王二年周紀無此○徐廣曰韓舉韓將○索隱曰武靈  
王名雍○按燕世家無趙送公子職為燕王事當是趙聞燕亂  
遙立職為燕王雖使樂池送之竟不能就○正義曰林人即林  
胡也○為敵弱言我為胡服敵人必困弱○索隱曰錯臂謂以  
丹青錯畫其臂○劉逵曰黑齒以草染齒鄭玄曰雕題刻其肌  
以青丹涅之○徐廣曰秣絀戰國策作秣縫蓋言其女功鍼縷  
之粗拙也○索隱曰惠后武靈王之后前太子章之母惠文王  
之嫡母也惠后卒後吳娃始當正室至孝成二年稱惠文后卒



是也○信期即下文高信公主孟吳姪女惠文王之妹○正義曰欽滅也言破齊滅韓之後燕之南界秦之東界相去滅三百里趙在中間也○秦齊相約欲稱帝故言廢帝○徐廣曰與秦昭王遇西河外年表云與秦會澠池○戰國策曰趙豹惠文王母弟○索隱曰子義趙之賢人○正義曰杜預云偏左右異色袈在中按袈衣背縫也○秦從渭水漕糧東入河洛軍擊上黨故曰以牛曰之水通糧○漢景帝始加太守此言太字衍○索隱曰信梁秦將徒父祺趙大夫○徐廣曰鄭安平故秦將降趙也○膾庫廐之名索隱曰積芻藁之處也○正義曰大備行大

備之禮○徐廣曰年表云太子從質秦歸按春平君即太子也



魏世家註

按魏分晉河沁地後稱王徙都河南○索隱曰左傳富辰說文  
 王之子十六國有畢原豐邠馬融亦云畢毛文王庶子○正義  
 曰魏故姬姓之國武王伐紂而封焉○正義曰安邑在絳州○  
 徐廣曰魏絳世本謚莊子○索隱曰系本獻子名荼茶莊子之  
 子無魏嬴也○系本襄子生桓子駒○文侯都系本作文侯斯  
 ○大河在鄴東故名鄴為河內○徐廣曰魏成子文侯弟○王  
 錯魏大夫○紀年云魯恭侯宋桓侯衛成侯鄭釐侯來朝皆在  
 十四年鄭釐侯者韓昭侯也韓哀侯滅鄭而徙都之遂改號曰



鄭○正義曰按魏築長城自鄭濱洛北達銀州至勝州固陽縣為塞○索隱曰魏文侯滅中山使子擊守之後尋復國至是始令相其後又為趙所滅○正義曰吸汁謂異功勳者○徐廣曰蠶桑在梁與彭城之間○索隱曰犀首官名即公孫衍○公子政魏公子也○正義曰如耳魏大夫○索隱曰魏章為魏將後又相秦○薛公田文也○昭魚昭奚恤也○系本昭王名邀○按國策芒邲詐以鄰事趙令閉關絕秦秦趙大惡趙王恐魏承秦之怒割五城以合於魏而支秦蓋以智詐見重○系本安釐王名園○正義曰博頭有刻為梟形者擲得集合食其子若不

便則為餘行○索隱曰復關與之事謂前年秦韓相攻關與而趙奢破秦軍也○從秦向楚有兩道涉谷是西道河內是東道○正義曰衛齊皆在韓魏東故秦不伐○鮑彪曰安陵氏魏人不欲攻韓與群臣異故惡之○正義曰此時葉陽昆陽屬秦舞陽屬魏○國策云南國雖無危魏國豈得安哉○索隱曰識亡不聽國策云韓知亡猶不聽也



韓世家註  
按韓分晉河內河南地徙都鄭○索隱曰按左氏傳云邠晉應  
韓武之穆則韓是武王之子然詩稱韓侯出祖則是有韓而先  
滅今據此文云其後裔事晉封於韓原曰韓武子則武子本是  
韓侯之後晉又封之於韓原也○宣子名起○居州在河內○  
貞子系本作平子名頃○趙系家云簡子名不佞○康子名虎  
○武子名啟章○景侯世本作景子名虔○列侯系本作武侯  
○韓相俠累國策作韓傀○紀年無文侯○年表懿侯作莊侯  
○韓姬韓大夫王邵云不知悼公何君也○許慎曰屈宜臼楚

韓世家註

按韓分晉河內河南地徙都鄭○索隱曰按左氏傳云邠晉應  
韓武之穆則韓是武王之子然詩稱韓侯出祖則是有韓而先  
滅今據此文云其後裔事晉封於韓原曰韓武子則武子本是  
韓侯之後晉又封之於韓原也○宣子名起○居州在河內○  
貞子系本作平子名頃○趙系家云簡子名不佞○康子名虎  
○武子名啟章○景侯世本作景子名虔○列侯系本作武侯  
○韓相俠累國策作韓傀○紀年無文侯○年表懿侯作莊侯  
○韓姬韓大夫王邵云不知悼公何君也○許慎曰屈宜臼楚



史記

大夫在魏○索隱曰鯀申差二將名○公仲韓相國名侈○正義曰施猶設也三川天子都也言韓戰勝楚則秦與韓駕御於楚即於天子之都張設救韓之功加威諸侯乃歸咸陽也○司馬庚秦人○徐廣曰昭魚楚相國○鮑彪曰璽軍符收之者欲止楚之攻韓○索隱曰戰國策公叔伯嬰與蟻孫及公子咎並是襄王子然伯嬰即太子嬰嬰前死故咎與蟻孫又爭立此取戰國策說伯嬰未立之先亦與蟻孫爭立故事重而文倒也○為韓求質於楚令韓求楚更以別人為質以替蟻孫也○為秦求質子於楚令羊戎救秦於楚索韓所送質子也○正義曰暴

載韓將




田齊世家註

索隱曰左傳陳厲公名躍佗是厲公之兄此云厲公佗非也○  
 索隱曰御鞅田氏之族○賈逵云按齊世家子我即監止今云  
 宗人誤○杜預曰子行即田逆也○索隱曰襄子盟系本作班  
 ○莊子白系本名伯○按紀年田莊子卒明年立田悼子悼子  
 卒乃次立田和是莊子後有悼子蓋立年無幾所以不得錄也  
 ○段干朋戰國策作段干綸○田臣思戰國策作田期思蓋即  
 田忌也○蔡邕云凡絃以緩急為清濁○索隱曰得全謂事君  
 之禮全○豨膏猪脂也棘軸以棘木為車輪至滑而堅然而穿



孔若方則不能運轉言逆理反經也故忌曰請謹事左右每事  
須順從也○昔久舊也幹弓幹也言作弓之法以膠被昔幹而  
納諸繁中是猶以勢令人合也膠幹可以勢暫合而久亦不能  
常傳合於疎罅以言人臣自宜彌縫得所故下云請自附于萬  
民也○田忌奔按戰國策田忌前敗魏於馬陵因被購不得入  
齊歷十年乃出奔○徐廣曰田嬰一作田盼○索隱曰湣王系  
本名遂○雍氏屬韓○徐廣曰韓馮韓之公仲侈○索隱曰寡  
人弗能拔能猶勝也言不勝其拔故聽齊拔之耳○三川韓也  
○徐廣曰楚王欲而無與地言楚王欲得魏來事已而不欲與

韓地○宋世家云宋王偃諸侯皆曰桀宋也○正義曰鹵器掠  
齊寶器○索隱曰周子齊之謀臣史失名也



孔子世家註

索隱曰家語孔子宋微子之後宋襄公生弗父何以讓弟厲公弗父何生宋父周周生世子勝勝生正考父考父生孔父嘉五世親盡別為公族姓孔氏孔父生子木金父金父生畢蕘畢蕘生防叔畏華氏之逼而奔魯故孔氏為魯人○梁紇娶魯之施氏生九女其妾生孟皮孟皮病足乃求婚於顏氏徵在從父命為婚此云野合者謂梁紇老而徵在少非常壯室初笄之禮故也○圻頂言頂上穴也中氏而四傍高故云○正義曰于賈三日紀云徵在生孔子空桑之地今名空竇在魯南山之空竇中



無水當祭時灑掃以告輒有清泉自石門出足以周用祭訖泉  
 枯今俗名女陵山○索隱曰孔子生三歲而梁紇死少孤不的  
 知父墳處徵在少寡蓋以為嫌不從送葬故不知墳處今謂毋  
 諱之非也○括地志云防山在曲阜縣東五父衢在曲阜縣西  
 南二里魯城衢道也○索隱曰家語孔子之母喪既練而見季  
 氏不非之也今謂要經與饗為陽虎所絀亦近誣矣○杜預曰  
 三命上卿也考父廟之鼎銘○按乾侯晉地晉人以居昭公者  
 齊處公于鄆○按昭二十年齊世家記景公與晏嬰狩魯界因  
 入魯問禮於孔子自此嬰與孔子友善孔子適齊必因嬰以通

於景公今謂為高昭子家臣或誤○索隱曰書社書其社之人  
 於籍○皇覽曰孔子冢樹以百數皆異種魯人代代無能名其  
 樹者民傳言孔子弟子異國人各持其方樹來種之其樹柞枌  
 雄離女貞五味兔楨之樹孔子塋冢中不生荆及刺人草



史記

陳涉世家註

索隱曰閭左謂閭里之左凡居以富強為右貧弱為左秦役多  
 富者役盡兼取貧弱者而發之也○徐廣曰大澤在沛郡鄆縣  
 ○索隱曰念鬼謂思念欲假鬼神之事○徐廣曰篝者籠也○  
 索隱曰李奇云張楚欲張大楚國○按房君官號也姓蔡名賜  
 ○如淳曰視日者視日時吉凶舉動之占○索隱曰奴產子小  
 顏云猶今言家產奴也○張晏曰秦之臘月夏之九月瓚曰建  
 丑月也○索隱曰韋昭云軍皆著青帽故曰倉頭○服虔云頤  
 者助聲之辭○應劭曰沈沈宮殿深邃之貌

陳涉世家

卷四十一



呂后

薄太后

竇太后

王太后

外戚世家註

關中記曰高祖長陵在西呂后陵在東漢帝后同塋則為合塋不合陵也諸陵皆如此

索隱曰薄太后南陵按廟記云在霸陵南十里按今在長安東澶水東原上在霸陵西南故曰東望吾子西望吾夫是也

索隱曰皇甫謐云竇太后名倚房按竇后父少遭秦亂隱身漁釣墜泉而死景帝立太后遣使者填父所墜淵起大墳於觀津城南人間號為竇氏青山

皇甫謐云王太后名姁○索隱曰望之猶責望謂恨之也



衛后

正義曰衛青傳云父鄭季為吏給事平陽侯家與侯妻衛媼通  
生青故冒衛氏徐廣曰平陽侯曹壽尚平陽公主○索隱曰漢  
武故事云陳皇后名阿嬌即長公主嫖之女

他姬

索隱曰他姬漢書云李姬生廣陵王胥燕王旦也

后 諸生補王太

正義曰噉責失聲驚愕貌也徐廣曰修成君名俗其女嫁為淮

南王安太子妃

鈞弋夫人

漢書云武帝過河間望氣者言此有奇女天子亟使使召之女  
兩手皆拳上自披之手即伸絲是得幸號曰拳夫人後居鈞弋  
宮號曰鈞弋夫人列仙傳云發手得一玉鈞故號焉○正義曰

括地志云雲陽陵漢鈞弋夫人陵也武帝末年殺夫人殞之而  
尸香一日昭帝更葬之棺但存絲履也宮紀云武帝思之為起  
通靈臺于甘泉常有一青鳥集臺上往來至宣帝時乃止



楚元王世家註

按櫟釜謂以杓歷釜旁使為聲○正義曰美頡山名取為號者  
怨故也○徐廣曰次兄名喜字仲○索隱曰服私姦漢書云私  
姦服舍中姚察云姦于服舍非必宮中○徐廣曰德侯子名廣  
吳王濞之弟也

漢書中公名培王戊胥靡之○按防與先生趙人防與公也此  
與漢書雖不見趙不用防與公蓋當時猶知事迹或別有所見  
故太史公明引以結其替



史記卷五十一  
荆燕世家  
姑蘇公...  
漢書...  
索隱曰...  
按地理志...  
肥如

荆燕世家註

漢書劉賈高帝從父兄○師古曰塞地司馬欣之國○索隱曰  
共尉共敖之子。

燕王

漢書劉澤高帝從祖昆弟○楚漢春秋云田生曰子春○孟康  
曰弗與者不復與我為與也○徐廣曰張子卿名澤閭人也○  
索隱曰雅故謂呂氏素心奉推高祖取天下○按地理志肥如  
在遼西○告定國告定國於朝也  
索隱曰事發相重謂先發呂氏令重而我亦得其功

史贊



史記

齊悼惠王世家註  
張晏曰路中大夫姓路為中大夫索隱曰按路氏譜名印○按  
年表平陽侯是曹奇○如淳云諸王女曰翁主稱其母姓故謂  
之紀翁主○索隱曰徐甲入事漢皇太后謂武帝母王太后也  
○修成君係王太后前嫁金氏所出故曰非劉氏○偃受金及  
輕重之短謂偃挾齊不娶女之恨因言齊短為輕重之辭○張  
晏曰柴將軍名武

齊悼惠王世家註

張晏曰路中大夫姓路為中大夫索隱曰按路氏譜名印○按  
年表平陽侯是曹奇○如淳云諸王女曰翁主稱其母姓故謂  
之紀翁主○索隱曰徐甲入事漢皇太后謂武帝母王太后也  
○修成君係王太后前嫁金氏所出故曰非劉氏○偃受金及  
輕重之短謂偃挾齊不娶女之恨因言齊短為輕重之辭○張  
晏曰柴將軍名武



*[Faint bleed-through text from the reverse side of the page]*

蕭相國世家註

索隱曰春秋緯蕭何感昴精而生典獄制律○漢書音義曰文  
 無害有文無所枉害也○李奇曰奉錢三五或三百或五百也  
 ○蘇林曰秦時無刺火以御史監郡○張晏曰蕭何與共事修  
 辨明何素有方略也辨當作辦○文穎曰何為泗水郡卒史索  
 隱曰如淳按律郡卒史書佐各十人○發縱漢書作發縱○索  
 隱曰收橐者苗子還種田人留橐入官





張華曰曹參字敬伯○索隱曰秦監公本紀泗川監名平○孫  
檢曰漢謂驛曰置善名也正義曰言取碭狐父及祁縣之善置  
○索隱曰北救東阿時章邯圍田榮於東阿○張晏曰執帛狐  
○楚官名○如淳曰執珪古爵名○索隱曰轅轅道名  
在緱氏南○地理志雍棨二縣名○漢書高帝元年咸陽名新  
城武帝改曰渭城○漢書音義曰王武程處皆漢將○索隱曰  
柱天侯不知其誰封衍氏魏邑○漢書音義曰大莫教楚之卿  
號

曹相國世家註

張華曰曹參字敬伯○索隱曰秦監公本紀泗川監名平○孫  
檢曰漢謂驛曰置善名也正義曰言取碭狐父及祁縣之善置  
○索隱曰北救東阿時章邯圍田榮於東阿○張晏曰執帛狐  
○楚官名○如淳曰執珪古爵名○索隱曰轅轅道名  
在緱氏南○地理志雍棨二縣名○漢書高帝元年咸陽名新  
城武帝改曰渭城○漢書音義曰王武程處皆漢將○索隱曰  
柱天侯不知其誰封衍氏魏邑○漢書音義曰大莫教楚之卿  
號







頭置金於後偽言此牛能策金以遺蜀蜀侯貪信之乃令五丁  
共引牛塹山堙谷致之成都秦遂尋道伐之因號曰石牛道○  
如淳曰上下有道故謂之復道○按陳留志云東園公姓唐字  
宣明居園中因以為號夏黃公姓崔名廣字少通齊人隱居夏  
里修道故號夏黃公角里先生河內軹人太伯之後姓周名術  
字元道京師號曰霸上先生孔父秘記作祿里○索隱曰赤松  
子神農時雨師能入火自燒崑崙山上隨風雨上下○徐廣曰  
子不疑代立十年坐與門大夫吉謀殺故楚內史當誅死贖為  
城旦國除○正義曰括地志云張良墓在徐州沛縣東與留城

相近



陳丞相世家註

孟康曰糠覈麥糠中不破老也晉灼曰京師謂麤屑為紕頭○  
 張晏曰平爵卿禮秩如卿不治事○漢書音義曰冠玉飾冠以  
 玉光好外見耳○如淳曰孝已高宗之子有孝行○漢書音義  
 曰惡草草粗也○反接謂反縛其手○蘇林曰闕氏如漢皇后  
 ○孫廣曰王陵以客從起豐以廐將別守豐上東因從戰不利  
 奉孝惠魯元小睢水中封為雍侯高祖八年定食安國二十二  
 年卒謚武侯至玄孫坐酎金國除○審食其文帝三年為淮南  
 王所殺文帝令其子平嗣侯菑川王反辟陽近菑川平降之國



除○張晏曰主臣若令人謝曰惶恐也馬融龍虎賦曰勇怯見之莫不主臣

絳侯周勃世家註

徐廣曰卷縣在滎陽○索隱曰韋昭云北方謂薄為曲淮南子云曲葦薄也○吹簫給喪左傳歌虞殯猶今挽歌類也歌者或有簫管○漢書音義曰材官引彊能引彊弓官如今挽彊司馬○服虔曰殿略得殿兵也○如淳曰盜巴章邯將○徐廣曰乘馬絺姓乘馬名絺○韋昭曰其椎者椎不撓曲直至如椎○應劭曰冒絮陌額絮也如淳曰太后恚怒遭左右物提之晉灼曰異物志謂頭上巾為冒絮索隱曰提者擲也○如淳曰不相中猶言不相合當也○應劭云許負河內温人老嫗也按楚漢春



秋高祖封負為鳴嶋亭侯是知婦人亦有封邑○師古曰從理  
豎理也○正義曰漢書百官表云中尉秦官掌徼巡京師武帝  
更名執金吾○索隱曰方高侯韓頽當也○瓚曰南波侯竇彭  
祖太后兄子章武侯太后弟廣國○索隱曰工官所尚方之工  
所作物屬尚方故云工官尚方○張晏曰被具也○索隱曰縣  
官謂天子也謂國家為縣官者夏家王畿內縣即國都王者官  
天下故曰縣官○孟康曰吾不用謂不用汝對缺絲之也

梁孝王世家註

葛洪西京雜記云梁孝王苑中有落後巖栖龍岫雁池鶴洲鳧  
島諸宮觀相連奇果佳樹瑰禽異獸靡不畢備○索隱曰太康  
地理志云睢陽城方三十里梁孝王築之鼓倡節杵而後下和  
之者稱睢陽曲今鍾以為故所以樂家有睢陽曲蓋採其遺音  
也○說文云楷指謂為門扉所箝



史記

五宗世家註  
按孝武帝時河間獻王朝被服造次必於仁義問以五策獻至  
輒對無窮孝武艱然難之謂獻王曰湯以七十里文王百里  
其勉之王知其意歸即縱酒聽樂因以終  
索隱曰孺垣墻外之短垣○祖者行神行而祭之故曰祖也風  
俗通云共王氏之子曰修好遠遊故祀為祖神  
謚法能優其德曰子○正義曰無訾省師古云訾財也省視也  
言不能視錄資財

五宗世家註

索隱曰兒姁夫人名王皇后之妹也

按孝武帝時河間獻王朝被服造次必於仁義問以五策獻至  
輒對無窮孝武艱然難之謂獻王曰湯以七十里文王百里  
其勉之王知其意歸即縱酒聽樂因以終

索隱曰孺垣墻外之短垣○祖者行神行而祭之故曰祖也風  
俗通云共王氏之子曰修好遠遊故祀為祖神

謚法能優其德曰子○正義曰無訾省師古云訾財也省視也  
言不能視錄資財

河間獻王

臨江閔王

膠西于王



趙王彭祖

中山靖王

長沙定王

韋昭曰權會平會兩家買賣之賈也權者禁他家獨王家得為之

索隱曰漢書建元三年濟川中山王等來朝聞樂而泣天子問其故對以大臣內讒肺臍日疎其言甚雄壯詞切而理文天子加親親之好焉

索隱曰程姬有所辟姚氏按釋名云天子諸侯羣妾以次進御有月事者止不御更不口說故以丹注面目的為識令女史見之○應劭曰景帝後二年諸王來朝有詔更前稱壽歌舞定王但張袖小舉手左右笑其拙上怪問之對曰臣國小地狹不足迴旋帝以武陵零陵桂陽屬焉

索隱曰大行騫桀是張騫



三王世家註

索隱曰青翟莊青翟也湯張湯克趙克息李息安任安也○正義曰賀公孫賀也○何休曰不毛不純色○鄭玄曰春秋變周之文從殷之質合伯子男以為一則殷爵三等者公侯伯也○索隱曰漢爵二等謂王與列侯○徐廣曰壽成蕭何之玄孫○索隱曰按武帝策此三王皆自手製  
按匈奴傳葷粥其國貴壯賤老壯者食肥美老者食其餘故曰  
虐老獸心肥敗也  
徐廣曰糝浙米汁也

猪生補

燕王策



伯夷列傳注  
皇甫謐高士傳云許繇字武仲堯聞致天下而讓焉乃退而遁  
於中嶽潁水之陽箕山之下隱堯又君為九州長繇不欲聞之  
洗耳於潁水濱時有巢父牽犢欲飲之見繇洗耳問其故巢父  
曰子若處高岸深谷人道不通誰能見子子故浮游欲聞求其  
名譽汗吾犢口牽犢上流飲之○諸子雜記卞隨自投於桐水  
務光負石自投於盧水○索隱曰楊惲東方朔見其文稱余而  
加大史公曰○其傳蓋韓詩外傳及呂氏春秋○伯夷名元字  
公信叔齊名致字公達夷齊謚也應邵云姓墨胎氏○馬融曰

伯夷列傳注

皇甫謐高士傳云許繇字武仲堯聞致天下而讓焉乃退而遁  
於中嶽潁水之陽箕山之下隱堯又君為九州長繇不欲聞之  
洗耳於潁水濱時有巢父牽犢欲飲之見繇洗耳問其故巢父  
曰子若處高岸深谷人道不通誰能見子子故浮游欲聞求其  
名譽汗吾犢口牽犢上流飲之○諸子雜記卞隨自投於桐水  
務光負石自投於盧水○索隱曰楊惲東方朔見其文稱余而  
加大史公曰○其傳蓋韓詩外傳及呂氏春秋○伯夷名元字  
公信叔齊名致字公達夷齊謚也應邵云姓墨胎氏○馬融曰



首陽在河東蒲坂華山之北河曲之中○正義曰睢仰白日怒

